

Luka i shi-ñu

Ġiwbraw

Bzüga go kako ġiwbraw na vyow vew a vetsü se ye he kako ye Luk i ġiw cheñe, sünda he kako yo danghuda i galyiw ksü go veksüw Kristan cheñe. Ñom-niti go homeje, i utro ġübye küġüw go da. I Tawgyew i shi-ñu truw nüna. I Tawgyew i shi-ñu seyo Tawgyew i shürhaw ná kako ġida. Ije Polus idra ye Kristan na chiġa daw Tawgyew ichi chiġa daw nüna (Kulu. 4:14, 2 Timu. 4:11; 11:1).

Ġiwbraw i djaga

Odje 60-80 kuw.

Luka i he kako í Kesriya ge ġilyeñe seyo Rome ge kakuñe ġimdzoadabi. Kako ġidaw dzaga na Betlehem, Galil, yahudiya seyo Yerusalemjo du.

Lajovo

Luka ubo yo Tawgyew i shi-ñu ye Tiyufilus í ġiilyeda. Tiyufilus chemeje “Tawgyew i nülvo daw.” I Kristan í küġüw ma mo i lyaġoñ dawma se ye usu-pa yo madanghume. Luka í ġidaw ge í “Dyewfo” cheñe 1: 3 ge ġidaw í homeje i Roman gow babu dyew vedujo a du. Añe ge kako ngüdaw ná ho-laimeje he ye utro ġübye gojo du. Ichi ġidaw ge ana vedufodame, “Tawgyew i nüna” seyo “Tawgyew i ġadz” (Luka 5:24; 19:10; 17:20-21; 13:18).

Ha ma a vew

Jisu iñiñ lañe trumkoige, Luka i Jisu í “Nüna üsañe” cheda. I Tiyufilus í ana ġida, í ha ñu ná dadrüdama se na se í uw yo danghulafijodawe

(Luka 1:4). Luka í ñiku-ñisüw djüngkoi ge í ĝiw yo i kristan nabo hado chemeje Tiyufilus i danghula-jobi Tawgyew i shüraw na nüna mauw mow cheñe.

Ñustu gow

Jisu - Nüna uw a.

Udrüla

Jisu i saw seyo ichi kutcho shüw __ 1:5-2:52

2. Jisu i nüna nabo chiĝa daw __ 3:1 - 4:13

3. Jisu ĝaksüivo übraw __ 4:14-9:50

4. Jisu i kros ge jiw __ 9:51-19:27

5. Jerusalem ge Jisu i lüshüw paw, dzüw seyo üshüküyetcho __ 19:28-24:53

Luka i galyiw

¹ Ñimko a ha ha lyilyedama, se ná nüna añe na galyiw ĝipüñejoñe dada.

² Sünda he ñu ná dju nudzoĝ iñiyo hohusedama se naje, seyo, Tawgyew i shi-ñu truñe kahisedaw se naje, se ñu ná ütrüyomdo ñí trukuida.

³ Sünambo, no je ütrüyomdo, he na he í, usupa yo hoksüñe kalyisedaw no, süvzüw Tiyofilus bábo, he na he í magabolyiw ĝi vyeimeje ujoñe vyeda.

⁴ Hado cheholye, bá ha trudrülyedama, se ná umsowgo ba danghuweñe no vyedame.

Dzakariya ñe Elizabet

⁵ Nugo Herodes i Yahudiya ñetrü go ñetrü nugo dañe shüi ñeto ge ana lyikülye: Abiya müga go Jakariya cheñe mügaw a du. Üfum ye, mügaw Arō yo samtolyiw namko yo a, iñiñi ye Elishiba.

⁶ Sünda se naksü Tawgyew uvro ge chiñifoñe, seyo Prabhu ichi shotuko dügyew ná je da shüw.

Úgü dadrülyedaw ná je madatruw-makitruw da shüw.

⁷ Sündá Elishiba i ügübzümdá naksü agü je ñiwbi. Sündá se naksü kewje keahubi.

Sorgomuko i yo Yohañ í sakülyew ñihowtrü

⁸ Dzakariyas i í ñeşü ná dağań kuwñe, Tawgyew uvro ge, i ñegru ge müga chew daw.

⁹ Sündada mügaw ná daw basha yo dañe kako dzulaw ge iñiñi kakülye, Tawgyew í kügüw ñegru ge jiñe shobrovzü foweñe.

¹⁰ Sündada shobrovzü fomkoi sese vyew na nopsü ge kahuañe kügütsü.

¹¹ Sese Tawgyew ichi sorgomuko a ye shobrovzü fodaw südzüvyepsüğ vyego psügañe ge gudzukülyedaw ye, í hohu.

¹² Sündá Jakariya í hoglye şüpo lamosha, sündá í ğew vyehua.

¹³ Seşo ye sorgomuko i í che, “Jakariya, djuğejodawe hado chemeje bá küğüdaw ye dzühujemme sündada bafum Elishiba yo babó saw a sakülyejome, sündá ba se iñiñi ye Yohañ ñe ñijodawe.

¹⁴ Sündá ba agü saahuñe şüpyo lüshüñe, lüshümfoajome seyo şüpyo nuna na agü sadabi cheñe lüshüjome.”

¹⁵ Hado chemeje i Tawgyew üvro ge sawlyiw chiñifojome; seyo tsü keje matujome; seyo iyañ ulhu ge duluge yo ğulo güdraw yo güdraavojobi.

¹⁶ Seyo Israyel yo naje şüpo nuna na Tawgyew ichi ge kakultrujome.

¹⁷ I ñihow Eliya í ğulo seyo küña dafidama dañe üvro üvro kutrojome hado chemeje awu

na na üdrü-ulu ye agü nachi ge tchodügyeje; seyo zew chew madzüw na Tawgyewchi ge chiñidrüñe lakujo sünda Tawgyew ibó dafimsofiw dashütrüvojo.

¹⁸ Jakariya i sorgomuko í dzü, hei no kúnda danghujowa; hado chemeje nobó mukroadabi seyo nofum boje mukromyadabi.

¹⁹ Sorgomuko i í trutcho, “No Gebriyalwa, Tawgyew ichi mukow kewwa sünda üdra gudzusaw ye wa; sündada nó badra chitruweñe seyo bá he ñu ye truweñe kiadaw yewa.

²⁰ Seyo hojo dawé, he ñu ye umsow makalu kuw ba mulyo gyojome, sünda mazefijomme, hado chemeje ba nó ñu ye, i ke damdrüñe dafiajoma, sei umsow mavye.”

²¹ Nüna na Jakariya í gýokrütsü, sünda mavyenghuahuw lyatsü, hado cheme ñegru ge aña kúnda uwalajemañe? Vyeñe.

²² Sünda i ñopsü kahuadabi abó ñu mazefibi, sündawñe na danghuladabi i ñegru ulunge hama ñita homadadañe, sünda i sei vyeğelalye seyo mulyo lyadabiñe.

²³ Sünda i sehu datunofiahuñe i í ñe ge katcho.

²⁴ Setasağa yo ifum Elishiba somafobi, sünda hubye pom kuw i nudzoğ ana cheñe müşüñe vye.

²⁵ “Nüna nafo ge nó bümazeamedañe nobó Tawgyew i he ñeto ye ana daidawa.”

Sorgomuko i mariyam itrü a jiku

²⁶ Elishiba agü ñiw yo hubye gë kuw sa a Tawgyewchi go sorgomuko Gebriyal i Galili iñiñi Nazrat ñetrü ge,

²⁷ Mimsa nano makaw a ichi ge kiku. Djú Joseb cheñe Dawud í ñeşü go Muhusa a idra ġulo daida, se nano makaw mimsa iñiñi ye Mariyamwa

²⁸ Sünda Sorgomuko i ichi ge ñelunge jimyoñe che, ba hu je adjüdjüw no je aġimiw lüshütukoaiwe, Djú Tawgyew í nülwov tukoaidama! Tawgyew i badraşome.

²⁹ I se ñu yo şüpyo ġelamoag, sünda vyemche, hei küna ñu a djüjemma?

³⁰ Séşo Sorgomuko i í che, Mariyamya; djuġejoda, hado cheme Tawgyew í nülvo bá tukoaidawa.

³¹ Sünda hojodawe, ba somafojome, sünda ba saw a sakülyejome, ba iñiñi ye Jisu ñe ñijodawe.

³² I şüġlyiġjome; seyo bá Soġgro-yaloñe üsaw chejome; sünda Tawgyew i í awu Dawud i psüġa ye í djüjome.

³³ Sünda i Yakub í ñeşü ge shüwa nugo da shükejome; sünda í ġadzü da shükyew ye keje mamütrajome.

³⁴ Mariyam i Sorgomuko í che, “Hei künda lyi-jowa? Nobó muhuje madanghulubi.”

³⁵ Sorgomuko i í trutcho “ġulo güdraw ye baso ge kamyojome, seyo Toġgroyama í Ġagra ye badru ge duñgudrujome; Hado chemeje í ġulo güdraw yo sakülyalaibi, í Tawgyew üsaw chejome.

³⁶ Sünda hojo dawwe, bá ñeşüġ go Elishiba i je mukromyadabi a saw sakülyemkoiba, hei ichim-soba í na Üġüzbüm chebabi, i so mafow hubye ġe kudaba.

³⁷ Hado chemeje Tawgyew ichi ge ha ñu je madafiwo che ñiwme.”

³⁸ Mariyam i che, “Howe, no Tawgyew i

chiĝadambabi, bachi ñu trudo trüduyo dubroñe nodra ana lyimeje.” Sese sorgomuko ye itrü yo katrükralye.

Elizabet ichi ge Mariyam i jiw

³⁹ Sündaw se ñeto Mariyam i kutcho yo gudzuñe pufo go Yahudi na ñetrü a ge ji.

⁴⁰ Sündä Jakariya iñe ge jiñe Elishiba í gagañe da.

⁴¹ Elishiba i Mariyam ichi gaga chewye dzühuhuwñe, seşügudoye ulhu go agü yeje gog, sündä Ilishiba i ğulo güdraw yo tukoa.

⁴² Sündä i gow yo şogzuñe che, ba mim naĝi yo süvzüfowmme, seyo balhu go sheje ye şüvzüw me.

⁴³ Sündä noje hango yo nülvojema, no Tawgyew üyañ ye notrüĝañ a jikuda.

⁴⁴ Sündä holabya bachi gaga chew ye nofu ge dzühubyo dzühuĝyowñe seşügudo ye nolhu go agü yeje lüshülye gogje.

⁴⁵ Sündada seiye şüvzüwmme, se í djujo umsow vyeñe Tawgyew ichi go, ha ñu ye idra chedama, sei damsojebi.

Mariyam i Tawgyew í troi.

⁴⁶ Sese Mariyam i che, “Nodrü-nolu yo Tawgyew i troime.

⁴⁷ Sündä noĝulo ye, nó güdraw choakejo Tawgyew yo lüshü damme.

⁴⁸ Hado chemeje i í chiĝadam idru ge nülvo hoida, sündada holabya, ayo dalalye shüwa shüw pumnüshüĝi kuw nuna na nó şüvzübram chejome.

⁴⁹ Hado chemeje se bolugobraw Tawgyew i nobo chiĝa dew dew daida, sündada iñiñ ye güdraw me.

⁵⁰ Sündä i nülvo ye se nadra jome, dju í ĝeima, saltso saltso daw kuw sünañgudrujome.

⁵¹ I í bolugow ye sheiwa, seyo dju nudzo drü-lu ge dafowsoñe daima sena daame-kiame vye.

⁵² I shotuko dümbraw na psüga go dügaaha; Sündä nülvodaw i udruda vye.

⁵³ Luhušümgraado na gañ uwyo da djü, séso dzomokülyimodaw na ügzü ufobüla lyadügye.

⁵⁴ I í nüdzoĝ aki-awu na, kulo Israyel na ĝaksüla, hado chemeje se nülvo ye büvyesüdañe.

⁵⁵ Shüwa Abraham ñe i saltsoahuw nadra shüwa duñgudrujo, I küna ñi bupye-ñipye nadra chedama süna.”

⁵⁶ Mariyam i hubye dzü kuw idra ĝyoselyeñe, i ñe ge katcho.

Yohañ Baptisma djüw i sawfo

⁵⁷ Sese Elishiba i samdrü kudabi, sünda i saw sakülye.

⁵⁸ I ĝafopsüĝ-ĝampsüĝ seyo i ñešüĝ-ñepeĝ na sei dzühulye, Tawgyew i idru ge šüpyo nülvo dadañe, idra ye lüshütuno.

⁵⁹ Sündalye ana a dadawa ñegi šügzü kuwñe se agü í fyuw ñeto kudabi sünda í ñiñi ye ichi awu Jakariya í iñiñi ye ñiweñeda.

⁶⁰ Séso iyañ i che, mowwe; i ñiñi ye Yohañ ñe ñijo daw.

⁶¹ Sündä na í che, bá ñešüĝ ge ana üñiñi djuchije ñiwa.

⁶² Sese i ichi awu i damcheñe dzü, ba iñiñi í ha ñiĝoñda?

⁶³ Sündawñe i ĝijo kako prülañe ĝiag, iñiñi ye Yohañ me, sündawñe vyew na mavyenghuatsüg.

64 Sündawñe ichi umdzu ñe zebüla naksü seşügudo ye zefikülye; Sündä i ñu zehuahuw ye Tawgyew i trokülye.

65 Sündawñe iñisa ye ġyodo na vyew ġemoatsü; sündä se ñu ye vyew se Yahudiya nachi ñetrü üñisa üñisa naje şüġeatsü.

66 Sündä vyew dzühudo na nudzoġ nudzoġ drü-lu ge vyelatsü che, “He agü ye künaġojeşoma?” Hado chemeje Tawgyew i ügzü ye idra dubi.

Dzakeriya i ñihow

67 Sündä iyaw Jakariya i ġulo güdraw yo tukoa, sündä ñihokülye.

68 Israyel go Tawgyew í şüvzüwe.

Hado chemeje i í nudzo nuna ná hokrüvo,

Sündä ná ġaksüivo,

69 Seyo i kulo Dawud i ñe ge ñibo muchoaijo hosüw üşüvzü a lahuaida.

70 Sünambo i bzüga yomdo güdraw ñihow truw bupye-ñipye nayo, dju ñedzü üña no üña gomdo dulyisema, senayo trulyeida.

71 Chemeje ñi vyeñiw-vyeġaw nayo, seyo ñi homsüsew nagzü yo ñi muchoaida;

72 Sei ye ñi bupye-ñipye na nülvo dañe nudzoġ güdraw ñu i vyesüweñe,

73 Seyo se trasġa sei, se í i ñi awu Abraham yo todaye,

74 I ñi hei djüjo, sei ye ñí vyeñido nayo kahajoñe,

75 Ivro ge chiñiw seyo güdraw ġabo kaw ge şhüdzowkuw maġew ichi chiġa dañgudruweñe.

- ⁷⁶ Seyo ba ye muhusa agüsa, Toĝgroyama i ñihobraw chejome, hado cheme ba Tawgyew ichi ĝabo dashütrüvojoñe uvro uvro kutrojome,
- ⁷⁷ Sei ichi nuna na djumuchoawe, dju, ná lalo yo güdraw pawma.
- ⁷⁸ Hei ñi Tawgyew í nülvo dado yo lyijome, seiyo ñidru ge udrugo yo müsaw a dzüto-rünokülyejo.
- ⁷⁹ Sei ye nukuĝuw seyo dzüjo ĝabo ge ĝyodo na müsaw djü, seyo ñishi í lüshüw ĝabo gudow lakutrokewe.
- ⁸⁰ Seyo se muhusa angasa ye Yohañ, shülyifi shülyi seyo ĝulo ge gokülyefi gokülye seyo Israyel ge kakujo ñeto kuw i bye ge ĝyo.

2

Betlehem ge Jisu i saw

- ¹ Se ñeto ge ñubyu Kesar Agastas ichivye gow shotuko-kunu kihua, vyow Druguw-Drulyiw gow ĝadzü-ĝaĝi nañiñ ĝimyoweñe.
- ² He uvromashü iñiñ ĝimyow ye ñubyu Kerinias í Siriya gow dümbraw dadaw ñetow ge daw.
- ³ Vyew na nañiñ í ĝimyovoñe nudzo-nudzo ñetrü ge katsüküĝatsü.
- ⁴ Sünda: Joseb je Dawud i ñeşü go üşü umu, sündada i Galili go Nazrat ñetrü yo kañe Yahudiya ge Dawud i ñetrü Betlehem ge ka.
- ⁵ I iñiñ ĝimyow, í goidaw Mariyam dju so mafoma idra jisa.
- ⁶ Na Betlehem ñetrü ge dulu ge, i agü sajo ümdrü kuadabi.

⁷ Sündä i agü üsaw samkyo a saa sündañe í gyeka ge ġüşhüñe káko ge zua ve, hado chemeje nabo süge ñe ġyojo mapa.

Fugulu ġokrüw nabo soġgomuko í ñu kidaw

⁸ Seyo se ñetrü a küña fugulu ġyokrüw duma, se na ñegi ge vi ge ġyoñe ná hokrü ġow.

⁹ Seyo Tawgyew i sorgomukow a namgkow ge gudzukülye, sündä Tawgyew i ġagra namgkow ye dubrokülyeg, sündawñe na šupo ġeatsüg.

¹⁰ Sündawñe sorgomukow i na che, “Dju ġejo daw; Hado cheholye chemeje, howe, no tuġu-tumo vyow nabo šupo lüşüw ñu a trujome.

¹¹ Yow ñubyu Dawud i ñetrü ge djobo muchoaijo a sadame, sündä se i Prabhu Masime.”

¹² Sündä se ye ba chi shewme, sei ye ba agü a ye gye ġüşhüñe seyo káko ge zuw hohujome.

¹³ Sündawñe sorgomuko a üdra ye soġgomuko upua a Tawgyew i iñiñ la troñe ana chew hohuda,

¹⁴ “Ñedzü ge Tawgyew í ġüdzüw sündä no ge se tuġu-tumo na ġüdzüw djüwe djú ñedzü Tawgyew i uw veima.”

Fugulu ġaksüw na Betlehem ge jiw

¹⁵ Sorgomuko i natrü go soġgo ge katralyewñe, fugulu ġaksüw na ġütchü cheġi, “Tchow, ñi Betlehem jiñe he ñu chedaw i, seyo Tawgyew i trudaw í, hobo.”

¹⁶ Sündä na mekutcho djeñe Mariyam ñe seyo Joseb naksü ütrü ge anga i káko ge vedaw hohu.

¹⁷ I holyeñe na se anga ufo gow na ha trudama se ñu chedaw na tružeġiatsü.

¹⁸ Seyo vyew dzühutsüdaw na fugulu ġaksüvow na ñu trudaw yo mavenghuatsüg.

19 Seño Mariyam i he ñu na üdrü-ulu ge veñe vemchepüñe.

20 Sünda fugulu ġaksüw na ná küna trudama, sünambo vyew dzühuñe hohuñe Tawgyew i trolyeñe lüshüñe katsütcho.

Jisu ichi fyuñe seyo iñiñ ñiw

21 Ñegi şügzü kufiahuñe, seyo i Jisu i mükraksüw fyumdrü kuadabi, sünda iñiñ Jisu ñe ñi, he iñiñ ye sorgomuko i uluhudrü ge mañilugomdo djülyedabi.

22 Sünda Musa í shotuko dalyedaw yo Mariyam i güdraw ġyow ye ġomdzoahuwñe sünda Joseb ñe Mariyam naksü í Tawgyew uvro ge shew Yarusalem lañe jike.

23 Tawgyew i shotuko ge ġimbo: “Vyew saw samkyo na Tawgyew ibó güdraw vyejome.”

24 Sünda Tawgyew i shotuko dalyedaw go chemeje, “Aşüm osa ksü, momeje pağusa üsasa ksü lañe küğüwe.”

Simon i ñi-how

25 Se ñeto ge Yarusalem ge Simon iñiñ yo nüna a duw, sünda i güdraw nüna seyo Tawgyew i küğüw nüna, sünda Israyel ge ġüdzüjo i ġyokrü, seyo ġulo güdraw üdra dusa.

26 Sünda ġulo güdraw yo truhua, ba Tawgyew i saw Masi í mahohulu, ba madzüvzujome.

27 Sünda í Ġulo Güdraw i ñegru nopsü ge jidügye; sünda iyaw ñe üyañ naksü se agüsa Jisu íbo, ahugo shotuko na dajoñe veñe lajikedaw sesse,

28 sünda Simon i angasa í lolalyeñe, Tawgyew í troñe ana che:

29 “He Tawgyewwa, ba ñu chew kudabi, bá kulo í ba ġüdzüw yo kadügyejodabe;

³⁰ Hado chemeje noñi yo ba muchoadügyedaw ye hohudamme.

³¹ Djú ba vyew druguw-drulyiw gow nuna na hovow sa a dadrü kikülyadama.

³² I utro sama nabo umsow truhoahuw müsaw da kakülyajome, sünda Israyel go djo nuna nabo lüshü-lübajome.”

³³ Sünda üyaw ñe üyañ naksü ubo gow ñu chedaw yo mavenghuatcheseñgudru.

³⁴ Sündawñe Simon i í gağüzü djüñe, üyañ Mariyam í che, “Howe, i Israyel go na gaañe seyo pülyidügyejo go, seyo ana a chi shedügyejoñe gyokrüdügyeda, seifo go ñu zeğijome.

³⁵ Sünda ba gülo je vetsü yo vudüga-vudüga dajome. He yo šüpo na drü-lu ge vedaw na truhudajome.”

Hanna i yo trudaw ñu

³⁶ Sünda Asher gübye go Fanual üsam a duw iñiñ Hanna, i ñihow trum: I šüpo mukrombi, I ülshi dzüwñe üdra gzü daw yo odje mro kuw shüfisawba.

³⁷ I odje šügzüğütrü psügi gow müjem: sünda ñegru keje matrahaw ñegiw-ñetow drüpsü-ñilyi mañiw seyo küğüñe gyonggudruwba.

³⁸ Sünda i sehu ñeto süge jikuñe Tawgyew i drü-lu yo uw che, sünda vyew ná, dju Yarusalem i yo muchoajoñe gyokrüvodaw na, ifo go ñu trumyokülye.

Josep ñe Mariyam naksü ñe katcho

³⁹ Sünda na Tawgyew davyedaw shotuko ügü ye vyew damdzoahuwñe sese Galili ge nudzoğ ñetrü Nazrat ge katcho.

⁴⁰ Sündä angasa ye nugow lya, sündä bolu dukülyebi, seyo patsü-sholu tukoaha, sündä Tawgyew i nülvo üdra sa dusa.

Angasa Jisu ñegru ge

⁴¹ Üyaw ñe üyañ naksü oje drü-drü Yarusalem ge Fasa rhano ge jinggudru.

⁴² I oje gûyo ksü kuwñe, na rhano ge gîdaw ñom í daw Jerusalem ge ji.

⁴³ Sündä na vyew ñegi gýomdzolye sese katcho, se angasa Jisu Yarusalem ge gýotralye; sei üyow ñe üyañ naksü madanghu.

⁴⁴ Na ana veñ, i upu jiw nadra dusamada, ñegi a kapseajebi: sündä na í nadraw seyo na ñeşü nangko ge tchüpüñe.

⁴⁵ Sé matchülawñe na tchü-tchüñe Yarusalem ge katcho.

⁴⁶ Seyo ñegi dzü sefum ye na í ñegru nopsü ge dadrűw nangko ge gýosañe, ná ñu dzüñe seyo naje i chi dzü gýodaw hohu.

⁴⁷ Seyo küña na i ñu truw dzü gýodama, se na vyew í danghuw yo seyo i ñu hutrow yo mavenghuatsü.

⁴⁸ Sündawñe na í holyeñe mavenghualyeñe seyo üyañ i í che, “No sawwa, ba ñidra ana hado dañe? Howe, baw ñiksü ba tağaw na veduw tchü ñegiaha.”

⁴⁹ I í che, “Ba no hado tchüña? Hadoma madanghuma, no nó awu i ñe ge dujobabi cheñe?”

⁵⁰ Sešo i í ha ñu chedama, i se i madzüsüla.

⁵¹ Sündawñe i üdra kasa, sündä Nazrat ge kaku, sündä na chew dzü gýosa; sündä üyañ i he ñu ye üdrü-ulu ge ve.

⁵² Seyo Jisu i patsü-sholu seyo udru ge lyifilyi sünda Tawgyew ñe nüna naksü ubo yo go shülyi.

3

Yohañ Baptisma djüw ichi shi-ñu.

¹ Nugo Tibiriyus Kesar ñetrü nugo dañe oje ġütrüpom kuw sese, seyo Pontus Pilatus i Yahudiya go ñetrü nugo da shüi sese, seyo Galili ge Herodes, sünda üñu Filip Ituriya seyo Trakonitis go nugo da shüw sese, sündalye Abilene ge ye Lisaniyas go nugo da shüw sese.

² Seyo sese Anasñe Kefas naksü müga gow, seta-seġa Tawgyew ichi shi-ñu ye, ge bye ge Jakariya ichi üsaw Yohañ ütrü ge dzühuku.

³ Sündalye i Yordan hu itrüġaň go vyew ñetrü-ñetrü ge jiñe, lalo muchojoñe drü-lu ye vyegu-doweñe baptisma ifo ye truzekülye.

⁴ Yasaya i ñihow trulyedaw shi-ñu kako ge ġidaw ye:

“Bye ge shogzükülyedaw nüna i ġuksüwme he i:

‘Tawgyew i ġabo dashütrüvowe, i ġabo í gudow davowe.

⁵ Kaguġuahuw küñama kazeġiyijome,

Seyo púsa je lüñew daajo;

Seyo üküngüw ná gudojo, lüvzüw lüñew ġabo

Sena ġabo rhugro lyijome.

⁶ Seyo uso duw chebiw ye vyew Tawgyew i mu-choaihuw hohujome.’ ”

⁷ Dju upu dyam na ichi ge baptisma lajoñe ji-huañe jikutsüdaw na, se na i che, “He byu üsa nawa, djó dju truda, he kalai lusuvyuw yo ġe jehuatsüwe che?

⁸ Drü-lu vyegudofilaw kuw sheje lakuwe: seyo nudzoĝ-nudzoĝ drü-lu ge ana djuvyelajo dawwe, se ñi aki-awu ye Abrahameñe; hado cheme no dju chengkoime, Tawgyew i he kunu yo je Abraham íbo mulo lakülyefijobame.

⁹ Seyo ya bo puĝie ye shoñ ükrütrü ge vyedabi, sündada ha shoñ ye sheje uw yo majema, se na poskealye mi ge foahuebabi.”

¹⁰ Seyo nüna na í dzü, “Sename ñi ha dajowa?”

¹¹ I ná tru, “Djuchi ge polu ksü duma, se djuchi ge ñima se i djüwe seyo djuchi ge tsajo duma, se naje süna datsüwe.”

¹² Seyo patso-law na je baptisma law jiku, seyo í dzü, “He dadrüwwa, ñi ha dajobya?”

¹³ I ná trutcho, “Dju djóbo ĝyokrüima, se í fojelübzüw patso djulajo dawwe.”

¹⁴ Seyo rhünakew na je í ana dzü, “Ñi ha dajobya?” I ná chetcho, “Djudru ge je külü djujowe, seyo mülaw-mütraw djufojo dawwe, seyo nudzoĝ chiĝa dadaw ge lüshüjo dawwe.”

¹⁵ Sünda nüna na se í vyeksüñe ĝyomkoi sese, seyo vyew na nadrü-nalu ge Yohañ ifo go vyemkoi, haña he ashá he i Masi mošomachañe.

¹⁶ Sündawñe Yohañ i vyew ná che, “Nobó djo hu yo baptisma djüwbame, sésoye i kalaime, dju nó cheje saw-lyiw bolufowme; no ivro ge ichi shita udro tashaijoje ugō ñiw sü nabame, se i djó ĝulo güdraw seyo mi yo baptisma djüjome.

¹⁷ Ichi chiaĝi ye ichi ügzü a me; seyo i í ñetchü ye uw yo dagüdrajosome; seyo pulgü tcholadaw na üšaka lakeĝijome, séso üĝütchü na ye mi ge foajo se mi ye keje madzoñoajo.”

¹⁸ Sündalye i nüna na dadrüñ-dadrülye shi-ñu uw

je trusejome.

Herodas i Yohañ í pache ge kiw

¹⁹ Seşoye i psüğimko yo ñetrü a go nugo Herodes í iñuw Filipus ufum Hirodiyas ifo go, vyew lalo datruw nafo se na sei í dadaw na fokülye.

²⁰ Sündada Hirodes i vyew naği yo je i fow lalo je datru, Yohañ í pache ñe ge shü vyewe che.

Yohañ yo Jisu í baptisma djüw

²¹ Vyew na baptisma latsüwñe, seyo Jisu je baptisma lalyeñe küğü gyo, sündawñe ñedzü müsaag.

²² Seyo gulo güdraw pağusa veduw ye uso dañe idru ge güdrukülya, sünda ñedzüdru go ñu zekülye “Ba nó sawme, ba yo no şüpo lüşüdame.”

Jisu i galyiw

²³ Jisu i shi-ñu trukülyewñe, sese i oje dzüğü kuw. I Joseb üsaw (nüna na ana vedabi), seyo i Eli ichi,

²⁴ Seyo i Mattat üsaw, seyo i Lewi ichi, seyo i Malki ichi, seyo i Jannai ichi, seyo i Yusuf ichi,

²⁵ Seyo i Mantiyah ichi, seyo i Amos ichi, seyo i Nahum ichi, seyo i Asaliya ichi, seyo Naggai ichi,

²⁶ Seyo i Mat ichi, seyo i Matiyah ichi, seyo i Simi ichi, seyo i Yosek ichi, Seyo i Yoda ichi,

²⁷ Seyo i Yohañ ichi, seyo Resa ichi, seyo i Jarub-babel ichi, seyo i Shaltiyel ichi seyo Nari ichi,

²⁸ Seyo i Malki ichi, seyo Adi íchi, seyo i Kosam ichi, seyo i Almadam ichi, seyo i Er ichi,

²⁹ Seyo i Jisu ichi, seyo i Aliyejer ichi, seyo i Yorim ichi, seyo i Mantat ichi, seyo i Lewi ichi,

³⁰ Seyo i Simon ichi, seyo i Yahuda ichi, Seyo i Yusuf ichi, seyo i Yonan ichi, seyo i Eliyakim ichi,

³¹ Seyo i Maleyah ichi, seyo i Minnah ichi, seyo i Mantat ichi, seyo i Natan ichi, seyo i Dawud ichi,

³² Seyo i Yise ichi, seyo i Obed ichi, seyo i Boj ichi, seyo i Salmon ichi, seyo i Nason ichi,

³³ Seyo i Amminadab üsaw, seyo i Arni üsaw, seyo i Henson üsaw, seyo i Peres üsaw, seyo i Yahuda üsaw,

³⁴ Seyo i Yakub ichi, seyo i Isahak ichi, seyo i Abraham ichi, seyo i Terah ichi, seyo i Nahor ichi,

³⁵ Seyo i Sarug ichi, seyo i Rawu ichi, seyo i Peleg ichi, seyo i Eber ichhi, seyo i Shilah ichi,

³⁶ Seyo i Kenan ichi, seyo i Arafzed ichi, seyo i Shom ichi, seyo Nuha ichi, seyo Lemek ichi,

³⁷ Seyo i Matushilah ichi, seyo i Hanok ichi, seyo i Yirid ichi, seyo i Mahallel ichi, seyo i Kenan ichi,

³⁸ Seyo i Enosh ichi, seyo i Shet ichi, seyo i Adam ichi, seyo Tawgyew ichi üsawwa.

4

Jisu í purkya

¹ Sünda Jisu i ġulo ġüdraw yo tukoañe, Yordan hu go kakutcho; seyo ġülo yo bye ge laġüşhi laġüşhi vye;

² Seyo ñegi piġü kuw mütü na dakütso-kikütso ho. Se ñeto ge i haje-haje matsa-matuw seyo se ñeto kamdzohuñe, sese i luhuşüku.

³ Sündañe mütü ye í che, “Sünameje ba Tawgyew üsawşommeje, he kunu ye cheha odje lyaweñe.”

⁴ Jisu i í trutcho “Ġidame, nüna na odje yo aka mashüjome.”

⁵ Sündatchowñe mütü ye í la djeketcho sündalye lügañe pu udru gow vyew druguw-drulyiw go ñetrü ná shemdzoa.

⁶ Sündalye mütü chetcho, “No he na he i vyew bá übraw dawene djüjome, sünda no gagra djüjome, hado cheholye he na braw nobabi, seyo no dju djügoñdama djüfijobame.

⁷ Sündada ba nó kügümeje, he na vyew bachi lyajo.”

⁸ Jisu i í chetcho, “Ana gidame: ‘Ba bá nudzoğ Tawgyew í gaga dawe; seyo í kügüjo dabawe.’ ”

⁹ Sündatchowñe i í lalye Yarusalem go kügüw ñegru ñelütsü udru ge lalyi vye, sündalye í che, “Süname ba Tawgyew üsašommeje, babraw bá nudzoğ he ayo üla ge gaawe.

¹⁰ Hado cheme gidabi, ‘I bábo í sorgomuko ná babo gaksüweñe dügyejome’

¹¹ Seyo ‘I bábo ügzü yo lolajobame, hado chemeje bá gaañe kunu ge bashi í mapadügyejoñe.’ ”

¹² Jisu i í chetcho, “Ana je chedame; ‘Ba nudzoğ Tawgyew í dafimsoima djuhojo dawe.’ ”

¹³ Mütü ye í dafiyima madafima da hopüñemdzoahuñe, sündawñe memja kuw ütrü yo kahatrükralye.

Galili ge Shi-Ñi trukülyew

¹⁴ Sündatchowñe Jisu i Gulo Güdraw yo tukoañe, Galili ge katcho, sünda ífo go ñu ye üñisa üñisa yo küña ñetrü duma vyew dzühuzeğatsü.

¹⁵ Seyo i süge Tawgyew í kügüw melye ñe ge truw ñe ge shi-ñu truñgudru, sünda vyew na í trotsüküğatsü.

Nasrat ge Jisu í mağoñiw

¹⁶ Sündalye i Nazrat ñetrü ge jiku; hayo sa a í dalañe shükyedama sese; seyo í nudzoğ daw üğü dajo ge ġyogow ñeto kuwñe küğüw ñegru ge jiñe kako ngüjoñe gudzu.

¹⁷ Ñihow Yasaya í ġilyedaw kako ye í djü, sünda i kako ye tahalye, hayo sa a ġidama se i lakülye:

¹⁸ “Tawgyew í ġulo güdraw nodra dume, Sündada i sapse na shi-ñu truweñe nó lakülyedame, Seyo nó ana dawewñe kiadame, külyidaw ná shaaweñe,

Seyo üñi ġew ná hofidügyeweñe shi-ñu na truñe, Seyo dügrülyadaw na lahuaiweñe,

¹⁹ Seyo Tawgyew ichi lüshü ġyojo oje í shi-ñu trujo.”

²⁰ Sündalye i se kako ye pyelyealye í shürhaw ügzü ge djü, sündalye ġyoag: seyo se küğüw ñegru yo nuna na í homdzoatsü.

²¹ Sündawñe i ná che, “Yow he ġidaw ye djovro a damdzojemme.”

²² Seyo vyew na í umsolyeñe vyeatsü, seyo ha shi-ñu ye i umdzu yo zehuahima, se na i djühulye vyengatsü; sünda ná ubo chetsü, “Haña he i Joseb üsaw mowma?”

²³ I na chetcho, “Djo nó he anabo zeğajobamme, ‘He mügawwa, nudzoğ í uw dagyolatchowe! No hadamje ñu dzühudaw ye ba Kafarnahum ge dadaw ná age nudzoğ ñetrü a je dawew.’ ”

²⁴ Seyo i je chetcho, “No djó umsow cheime, djü ñihow je yow kuw nudzoğ ñetrü ge ügō mapawme.

²⁵ No bá umsow cheime, Eliya í ñeto ge oje dzü kuw ñedzü ye pyelyeatrülye, ana lyiladjew vyew druguw-drulyiw ge luhuşümoatsü, sese Israyel ge şüpyo müjem kadâ dutsü.

26 Séšo Eliya í se namko ye djuchi ge je maki, Sidon go Sarfat ge Jewishñim mo müjem a ichi a aka ki.

27 Seyo ñihow Elisha i shüi ñeto ge Israyel to šüpyo ġoġo naw kadã, séšo Naman ñidaw Jewish mo Siriya go nüna yé tralye vyew na so güdraw madaw kadã.”

28 He ñu ye dzühubyo-dzühuġyowñe küña na se ñegru a дума, se na vyew lusvyumfoatsü.

29 Sündalye gudzulyitsüñe í na se ñetrü yo lahua, sünda ha pudru to í ñetrü ġyodama, se pudru ulodza ge la jiku, í seyošü üla ge dügaajoñe.

30 Séšo i nalumko yo kahulalye katrükralye.

Ġulo ma uw í ñepsü ge lahuahuw

31 Sündatcholye i Galili ñetrü go Kafarnahum ge jiku, sünda ġyogow ñeto ge nüna ná shi-ñu tru.

32 Se na í shi-ñu ye dzülye mavyenghuatsü hado chemeje í ñu ye dügyebyo-dügyeġowdra du.

33 Melye ñe ulunge nüna a du, djuso ge ġulo mauw kamyo ġyodama. Se i šüpyo gow yo šogzukülye,

34 “He Nazret go Jisua, no bá ha tsünghu? Haña ba no damtrüajoñe jikuwma? No bá danghuwšowa ba djuma? Ba Tawgyew ichi güdraw üsaw ñe sakülyedaw yewa!”

35 Jisu i í züñe che, “Mazüda ġyo sünda i yo kahuag!” Sündawñe se ġulo mauw kamyodaw ye ilungo haje ma uw madalyew kahuag.

36 Sei holye vyew na aañiñe vyeatsüg, seyo se na naġütchü ge ñu truġiñe che, “He i ye küna ñu baješoma? I se ġulo ye ñigudu yo maġew dügyebyo-dügyeġyoiwa, sündawñe se i je kuhuabai.”

37 Hangge je hangge je ímdo í kadang ifo truêitsüabaibi.

Patras ichi apyeñe utro nüna na dagyow

38 I ñegru yo kahuañe simon í ñe ge ji, süge se Simon (Pirat) ichi apye ye uso shüñe nala. Sündada i íbo i küêütcho.

39 I ichi üñisa a gudzulye se usso shü nadaw í züg, züwñe sese usso shüw ye gabruag sünda uwabyo-uwaêyowñe i süge age da í datunotcho.

40 Dru guamkoi sese dju-dju sama-sama yo nomñew yo so natsüdama, se na ichi ge la jikutsü, sündawñe i ügzü ye nadru ge a a dañe vyeñe na dagyotsü.

41 Sündawñe êgulo mauw na êogzuñe che, “Ba Tawgyew ichi üsawwa,” êüpyo nachi go kuhuatsü, séêo i se na züñe seyo ñu mazüdügye, hado chemeje na danghudabi, i Masi cheñe.

Galili ge shi-ñu truw

42 Sünda ñetoahuwñe i namko yo kahuañe êüdzüw ge katrükralye, sündawñe upu na í tchüsetcho ichi a kakusetcho, sünda í dügotha, nachi go djuka-trükralyewewñe.

43 Séêo i ná chetcho, “No ñetrü utro ge je Tawgyew ichi shi-ñu trujo dulumme, hado chemeje nó he í dawewñe kiabadamme.”

44 Sünda i Galili ñetrü ge ñegru ge shi-ñu tru.

5

Jisu ichi shürhaw

1 Upu na ichi ge gapulotsüñe, seyo Tawgyew ichi shi-ñu na dzütsüküêütsü, sünda íbó ge Gannesrat go huêülyi üdza to gudzu, sese ana a da.

² Sese i huğülyi üdza ge lü ksü vyedaw hohu, seyo tromaw-dzükrüw na ná tromaw na tchegüdrankoi.

³ Se lü namko ye a ye, se Simon ichi ye ly-
imyoyal, i í hudza ge me latrülyeweñe küğüñe che,
sündawñe i lü ge gyolye i nüna ná shi-ñu trukülye.

⁴ I ñu trufiahuwñe, sese i Simon i che, “Ĝyuw ge
la jikewe, seyo tchü lügyejoñe bá tromaw ye majo
dawe.”

⁵ Simon i í chetcho, “He Tabrawwa, no yakülyi
ñegimütrü kuw koğiw dawye ha malügyelafibi;
sedamje ba ñu cheda, tromaw mamkoime.”

⁶ Se i süna dawñe, ichi tromaw ye tchü aña-
sütchüw tromaw gağalajew malgrula.

⁷ Sündaw i í draw utro lü ge gyodaw na, age djeñe
latunoweñe naje damche: seyo se na djekutsüñe,
se lü ksü ye gudze-gulüşüahuw lagu vye sünda lü
yeje mülajo ladjew latchuğyo vye.

⁸ Se na holyebi Simonñe Patras naksü Jisu
üşitrü ye gaañe, seyo che, “He Tawgyewwa,
notrügañ yo katrülyewe, hado cheme no lalo
nünabamel!”

⁹ Hado chemeje aña sütchüw tchü lügyeladaw í
holyeñe i seyo üdra ayo na mavenghuatsüdabi;

¹⁰ Seyo sünatombo Jabdi í üsaw Yakub ñe Yohañ
naksü je, dju Simon í shürhawma, mavenghuatsü
dawñe Jisu i Simon i chetcho, “Djuğejodawe, ayogo
ba nüna ná üshü tsülajo dawwe.”

¹¹ Sündawñe na lü ye hudza ge lakulye seyo sa a
tralaye ífum ífum kase.

Ĝoğô í güdraw daihuw

¹² I utro ñetrü ge dulu sese, se süge ĝoğô yo
tsafoahuw nüna a ye jiku, sünda i Jisu i hohu-

lye uvro ye gakülyea, sündalye kügũne che, “He Tawgyewwa ba dagyojoñe vyedameje nó ba muchoadügyefijošome.”

¹³ I ügzü ye djũne dadülye che, “Bá muchogüdraweñe, no vedame.” Sündawñe ichi se gôgô tsadaw ye sešügudo ye kagüdrüatsü.

¹⁴ Sündawñe i í trudrüse, “Djusaje djutruwe, séšo kañe babraw ba mügaw na shewe, seyo ba kûnda güdraw mucholawma se fo ye, se hadamje Musa i djüvyelyedama se í djüwe ifo gow trufijoñe.”

¹⁵ Séšo íbo gow ñu šüpyo tüga-zeğitsü, seyo šüpyo nûnapu ye ichi ge shi-ñu dzüjoñe seyo sonaw na dagyolajoñe ichi ye keğitsü.

¹⁶ Séšo i nûna ñiw ge utroga kagañe kügũñgudru.

Jisu i külyi-ğüdjew naw í dagyo

¹⁷ Ahua ye ana a datcho, i shi-ñu trumkotchoi sese, Farisiñe dakyew kikyew na sa a gýoda, dju Galili seyo Yahudiya go kûña ñetrü duluma sego na, seyo Yarusalem go jiku; sünda naw na dagyoi-joye Tawgyew í gagra gokyew ye idra ye duse.

¹⁸ Seyo howe kagua na külyi-ğüdjew naw nûna a ye, ñelütsüdrü ge lalyi, seyo na í gütürü ge la jikuñe lamyoañe seyo Jisu ivro ye vyejoñe daahi.

¹⁹ Seyo na upu mutchusübyeñe ñelunge la majimyofiwnë, na ñelütsü udru ge lyilyiñe seyo ñeltsü tahalye, í gütürü nadra ye Jisu uvro ge ulungko ye kikülyeaha.

²⁰ Jisu i na umsow lutuksüw vyedaw ye holyeñe che, “He nûna bá lalo ye muchoajemme.”

²¹ Sündawñe shizew-ñuzew nañe Farisi nağütchü cheği, “He i djubajema, Tawgyew í mow uw zehi ye? Tawgyew í tralye dju lalo na muchoifiwa?”

²² Jisu i nalu ge vyedaw danghulye ná che, “Djo djolu ge ha vyemkoiya?

²³ Hado vyedoña? Ana chejoma, ‘Djo lalo ná muchoadama,’ semome ana ma ‘Gudzuñe seyo kutro djeg?’

²⁴ Séso ye ana dadá djo danghujo dawé nūna üsaw í druguw-drulyiw ayo lalo muchoaifiwme.” I se külyi-ğüdjea nado í che, “No ba chemkoi me, gudjuwe seyo bá ğütrü ye lalye ba ñe ge la kabi.”

²⁵ I jeañe ütrü a gudzu, seyo hayo sa a í gudru dama se í lolalye, Tawgyew í trolleye í nudzoğ ñe ge kajebi.

²⁶ Sündawñe vyew na mavyenghuatsüñe Tawgyew í trotsü, sündalye şüpyo ğeñe che, “Yow ñi sama a ñu hohujemme.”

Matti í balaw

²⁷ Seyo sefum a i ñepsü ge jihua, seyo Leviñe ñidaw a ye patso-law nūna ye patso ñe ye ğyodaw hohu, sünda í che, “Nófum kasewe.”

²⁸ Sündawñe i vyew tratsülye ífum kase.

Lalo nadra tsasaw

²⁹ Sünada Levi i í ñe ge ava tsaw rhano a djü; seyo sünda se patso-law nañe seyo nūna utro a upua nañe üşa ğyoñe ava tsa, şüpyo upu dyam.

³⁰ Seyo Farisi nañe seyo shizew-ñuzew nañe í shürhaw ná ana cheñe zekütso-zemrhü “Djo patso-law seyo lalobraw nadra hado ğyoñe üşa tsa-tu daiya?”

Luhuşüw-lukrow ğyow ge Jisu i dzüw

³¹ Jisu i na chetcho, “Müga ñachi ge so manaw na majjome, séso sonaw na jijome.

³² No nūna güdraw na mowme, lalo duw ná nadrü-nalu lagudoijoñe balaw kakuwme.”

³³ Seyo na í chetcho, “Yohañ í shürhaw na ye şüpyo uw yo matsa-matuw küğüñe ġyoiwa, seyo sünambó Farisi nachi go na je, séšo bá shürhaw na ye tsa-tuiwa.”

³⁴ Jisu i ná chetcho, “Hawa ba name gzü jiw nūna ná gzübraw ye nadra dulu sese, matsa-matudügefijoma?

³⁵ Séšo se ñeto je kakujome, sayo sa a gzübraw ye nayo utroga dajome, sese na se ñeto ge matsa-matuw dajome.”

³⁶ Ná i zeğaw a ze tru, “Dju nūna yo gye ükün ye tağañe dju matüpsüwme, semome ükün ye tağajobabi sedamje se tüpsüdaw ye je gye üme üdra makamyogñijo.

³⁷ Seyo dju je tsühu ükün ye dzaği üme gye mapyujó, semome tsü ükün ye se dzaği üme yebó byoğalye kasuajo, seyo dzaği je mau lyajo.

³⁸ Séšo anggur uhu ükün ye dzaği ükün ge pyujo dume.

³⁹ Kagua nūna na tsühu üme ye tulye ükün ye matuğonjo, hado chemeje na truihi, üme ye ufom-dodašo cheñe.”

6

Jisu Sabbat go Tawgyew

¹ Sündalye ġyogow ñeto sehu i vi goşü dañe kamkoi sese, seyo í shürhaw na pu ye trüküyelalye, ügzüku yo şükrüñe tsa-tsa ka.

² Sese Farisi namko yo na hadamje cheküyetcho, “Djo süna chiğa hado dawwa hai ye ġyogow ñeto ge madafiwjoma?”

³ Jisu i ná trutcho, “Hawa djo he í mangüma, nugo Dawudñe üdra ayo na luhušüda sese ha dawma?

⁴ I kûndañe Tawgyew ichi ñe ge jima, seyo lapsü djüdaw go odje na lañe tsa, se na bó mûgaw ná tra-lye djusaje matsafijo, seyo ídra yo naje djüdalubi?”

⁵ Sünda i ná chetcho, “Nüna üsaw ye êyogow ñeto ge je Tawgyewbamme.”

Êyogow ñeto ye sonaw ná dagyow

⁶ Sünda ana dañ ahua ye êyogow ñeto kuw sese i ñegru ge jiñe shi-ñu trutchoñe da êyo; seyo sa a nüna a duw ye ügzü fuvro go krosdzüada.

⁷ Shizew-ñuzewñe Farisi na í hadamje zeñe ñu jojoñe hoksü êyo, i êyogow ñeto ge dagyoahima madagyoima hojoñe.

⁸ Séšo ibó nalu vyedaw dāhuñda; sündada i se ügzü kroadaw nüna í che, “Pülyiñe, umko a gudzug.” I pülyiñe gudzu.

⁹ Jisu i í chetcho, “No djo he dzüime êyogow ñeto ge ha dafijowa, uw dajo veima mo mau dajoma; shüw ná êaksüjoma mo maêaksüjoma?”

¹⁰ Seyo i vyew ná hozeêiatsülye, se nüna í che, “Bagzü ye vro ge djüwe.” I süna da, sündawñe ügzü ye muchoañe uw lya.

¹¹ Séšo se na ñepsü ge kuhuatcholye lusvyuñe naêütchü poêitcho, ñi he Jisu idra ha dañelye?

Shürhaw êü yo ksü

¹² Seyo se ñeto bó i pudru ge küêüw katrükralye, seyo akülya ñetow Tawgyew í küêü ñetoaha.

¹³ Ñetoahuwñe, i í shürhaw ná balalye namko ye êü yo ksü ye pola, sündalye ná shürhawñe che.

14 Sündä se na heimme; Simon í ñiñi ye i Patras ñe je vye; seyo í ñuw Andriyas, seyo Yakub, seyo Yohañ, seyo Fillipus, seyo Bertulme,

15 Seyo Matti, seyo Tomas, seyo Halfais í saw Yakub, seyo Simon dju í Jeletes je chewma,

16 Seyo Yakub í saw Yahuda, seyo Yahuda tcho Iskariyoti, se i í tsadrüahuw lyikülye.

Jisu i nüna ná truñe dagyow

17 Sündawñe na ídra kagalye no üpra a ye gudzutsü, sündä ichi shürhaw na upu mutchu, seyo vyew Yahudiya na, seyo Yarusalem, seyo Sor seyo Sidon go sütügülü üdza ge küña ñetrü ma sego şüpyo nüna upu na je,

18 Dju i shi-ñu truw í seyo ğulo ná muchoañe dagyojoñe ichi ge jikutsüdama, süge dutsü. Seyo chigüje na maw da vyedaw na je uw dagyo.

19 Seyo vyew na í kidügyoñ vyetsü, hado cheme iso go ğagra na kahuañe ná muchoahi.

Gağüze shi-ñu

20 Sündawñe i í shürhaw nachi ge hoñe che,
“Şüvzüwme bá, ñeto daw ye,
Hado cheme Tawgyew ichi ñetrü ye bachime.”

21 “Şüvzüwme bá je, dju luhuşüdama,
Hado cheme ğaksüjome,
Şüvzüwme bá, dju ksei ma;
Hado cheme tchüjome.”

22 “Şüvzüwme bá, dju nüna üsaw íbo
Bá mau dajome,
Seyo bá lahuajome, seyo bá tchüĝo-hoĝojome,
Seyo bá ñiñi danghulye vyetsü djojome.

23 “Sehu ñeto lüshüñe gyojo dawē, hado cheme hojo dawē, babó soĝgo ge lapsü dume. Í bupye-ñipye ñihow kew nadra je süna dawbamme.”

Dzüngawhuw shi-ñu

24 “Séšo tui me djo, dju bo-luko duma, Hado cheme djo djolu vyew apyew pajebi.”

25 “Tuime djó dju hesahe ĝaksüwdadama, Hado cheme luhušüjome.”

“Tuime djó, dju hesahe tchüima, Hado cheme duhu pajome seyo ksejome.”

26 “Tui me djó, nüna na djodruge uw chejome, Hado cheme ná bupye-ñipye na mülaw ñihow nadra je ana dawbamme.”

Vyeñiw na je nülvowe

27 “Sešo dzüvodo djó no chei me, bá vyeñido na nülvow dawē; bá dju mau daiba sena uw dajo dawē.

28 Bá dju chemui ma, sená gaĝüzü djüjo dawē; bá dju zeamei ma, senábo küĝüijo dawē.

29 Dju bákrumo ge tcheima, ichi ge krumo a go je djüwe; seyo dju bachi güfaw laĝaima, se í bá polu djulawe djuchewe.

30 Dju damje bá prüima sená djüwe; seyo bachi gañ laĝaimeje, í djuprüwe.

31 Seyo ba nüna ná bá küna dawēñe vyedama, baje ná süna dajo dawē.

32 “Sešo ba bá nülvow dai ná akasa ba nülvow dame je, ba ha dew dawwa? Hado chemeje lalo dado na je, ná dju nülvow daima na je sená nülvow daŝoi.

33 Ba bá dju uw daihi ma sená akasa uw daijobame, bá ha dew chejowa? Hado chemeje lalo daw na je süna bó dašoi.

34 Sešo ba í chi gudzumeje, nachi go patchojoñe vyemeje, bachi ha uwwa? Hado cheme lalo daw nağütchü je chi bó gudzušoi.

35 Sešo bá vyeñido nadra nülvow dawew, seyo uw dawew, seyo patchojoñe mavyaw chi gudzujo dawew; seyo babó dew lapsü lyijome; seyo ba Tawgyew í üsañe chejome, hado chemeje i se nabó dju mašüvzüdügvejome, dju kew nadru ge nülvoi me

36 Baw küna nülvosüwma, sünambo ba je nülvojo dawew.

Udru ge dju truchoawe

37 “Külü dju jowe, sündame badru ge je külü majojome; trudañe djuchewe, badru ge je truda machejome; aloijoda, sündameje bá je alojome.

38 Djüjo dawew, sündame bá je djüjome: nüna na düsdzü-düsdzüñe seyo so-soñe seyo gusuañe badru ge sui jome, hado cheme ha chi yo ba tsoima, se chi yo babó je seiyo tsojome.”

39 Sündatcholye i ná zeğaw a yo chetcho: “Hawa ñiğew ye, ñiğew í ğabo trufijoma? Hawa naksü noğü ge magaa joma?

40 Shürhaw na nudzoğ chi dadrüw na yo madewfojome, sešo djudamje dagro dama, i í chi dadrüw imbó vyedujome.

41 Ba bá ñuw ichi iñi go gashüsadow shobosa í hado hoiya, seyo bá nudzoğ bañi go sholbosa duw ye maholama?

42 Seyo ba bá nudzoğ bañi go sholbosa mahomeje, ba bá ñuw ichi í kúnda chefijowa, ‘No

ñuwwa, mola bañi go gashüdaw ye lahuajoma? He dakulyutchüwba, uvromashü bachi iñi go shol-bosa lahuavzüwe, sündameje sese bachi üñuw ichi iñi go gashüdaw ye hohulye lahuahifijome.

Shoñ í hosüjo ye üje yo

⁴³ “Ha shoñ uw a je ñime, dju sheje ha madañiw jewma, seyo ha madañiw shoñ je ñime, dju shejo uw jewma.

⁴⁴ Shoñ küña duma, nudzoğ üje yo hosüwme; hado cheme nuna na gralye go lufuje mapyowme, seyo küfsüje go angur mapyofijome.

⁴⁵ Nuna uw na nudzoğ lu go ñu uw chehuahi; seyo nuna mau na nudzoğ lu go mau ñu na mau yo chehuajome; hado cheme lu ge ha gudama se i namdzu go kahujome.

Ñe daw nuna sama ksü yo duw

⁴⁶ “Ba nó ñu chew ná madzüjomeje, sünameje hado nó ‘He Tawgyewwa, he Tawgyewwa,’ cheiya?

⁴⁷ Dju damje nochi ge jikuima, seyo nó ñu í dzühulyeñe zew dzüima, no djo trujome, na dju vyeduwma?

⁴⁸ I se nuna i vyeduwme, dju ñe damkoi sese nogüdzü ye gyuw chigalye kunu ge ñekrü dzuñe, seyo hutchuğo-ğölüşü ye idru yo da kaa, sêso í madañifijome; hado chemeje i lyow yo dada.

⁴⁹ Sêso dju dzhutcholyeñe zew madzüma, se i se nuna i dambo vyeduwme, dju nogüdzü ye ñekru lyow madaw dadama. Se udru ge hutchuğo-ğölüşü kame, i sebyo-seğyo ngüañe seyo se i gaañe ganü-gağaaha.”

7

Kulokyew ichi umsow vyedaw ye Jisu i vyelamoa

¹ I í ñu ná nūna na trumdzoalyeñe Kafarnahum ñetrü ge jiku.

² Sünda mükaw a ichi kulom djú i, í ñeêšümbo veduw vewma, usso nañe dzüjo veduw lyada.

³ Jisu iñiñ hutraw-notraw dzühulyeñe Yahudi ñetrü go nugow na ütrü ge í kulo í jikuñe dagyoiwe cheñe ki.

⁴ Na Jisu ichi ge jikuñe ishitrü ge gaañe ana che, “Ba ibo he i daijo dawé

⁵ Hado chemeje i ñí gûbye na nülvo daw, sünda ñi melye ñe ije i daihu.”

⁶ Jisu i nadra nadra hutro jisa, sünda i ñe yo añe üga ñibisa sa a, mükaw i üdraw na yo ana cheñe ki, “He Tawgyewwa, ba ñikuñisüw djudajodawe, hado chemeje nochi ge übadzü ñime, ba no ñelütsü pudaw ge jimyojo.

⁷ Sündada nudzo no bachi ge jikujo übadzü duñe mavemme, sé ba bá ñu i truñe no kulo usso dagy-oijodawe.

⁸ Noje nūna na üla yo nūnabame; sünda shipashi na nogzü geme, sünda nūna a í ‘Kab’ chewñe se nūna ye kaw, sünda ütro a í ‘age kab’ chewñe i kaku; sünda no kulo na ‘He i da’ chewñe na se chiğa i daag.”

⁹ He ñu í dzühulye Jisu i lumashüw vea, sünda i ufum ge nūna upu kalasalai nachi ge tcholtruğiañe cheñ, “No djo he trungkoi heme, Israyel ge je no ana veksüw mapame.”

¹⁰ Sünda nūna kidaw na ñe kaku hobanda, kulo usso nadaw i dagyovodabi.

Dzüdo í shüdügge

11 Me ñegi fum sa a i Nayan cheñe ñetrü a ge ji, ichi shürhaw nañe seyo nüna upu üdra jisa.

12 I se ñetrü gow fûta ütrü iñisa jiku, hojodawe, nüna na ñimo a í ñepsü ge la kahuangkoi; se ye üyan üsaw akasa ba, sünda i müjem: sünda ñetrü gow şüpo nüna añe üdra dusa.

13 Í hoñe Prabu üdrapra-ulupra na, sünda i cheñ, “Dju ksewe.”

14 Sündawñe i iñisa ge jikuñe ñimo vedaw i ki; sünda gidaw na ġogog jebi, sündawñe i cheñ, “O muhumya, No ba chengkoime, pakülyejodawe.”

15 Sündawñe se dzüdaw ye pakülye ġyo, sünda ütrü zekülye: sünda i í üyañ i djülye.

16 He yo vyew na ġeatsü, sünda na Tawgyew ibo gow troñe ana che, “Ñimko a şüpo dyew ñihow truw a kakülyadame, sünda Tawgyew i í nülvow í nüna na she.”

17 Sünda ibo gow ñu ye vyew Yahudiya seyo iñisa gow vyew ñetrü ge truzeġiatsü.

Yohañ Baptisma djüw í dzüw

18 Sünda Yohañ i í shürhaw na he ñu na trutsü.

19 Sündawñe Yohañ i í shürhaw nangko yo ksü i balalyeñe Prabu ichi ana dzüw ki, “Kakujo ye babamma, mo no utro na ġyokrüjoma?”

20 Na ichi ge jikuñe cheñ, “Yohañ baptisma djüw i ñi bachi ge ana a dzüw kidame, se ye kakujo ye babamma, mo no utro ġyokrüjoma?”

21 Sa yo sa a i şüpo na usso naw yo seyo duhu yo lahuaida; sünda mütü kamyodaw seyo şüpo iñi ġiw na iñi djü.

22 Sündä i í che, “Djo ha ha hohuñe dzühudama, kañe Yohañ i trujo dawë; iñi gýew hohungkoimme, üshi lyew kahingkoimme, gôgô nadaw i dagüdrajemme, ufu vaw dzühungkoimme, sündä dzüdaw ye üshükülyejemme, sündä sapse na Tawgyew i shi-ñu trujeme.

23 Tawgyew i šüvzüw djudra duma na ushi mahütrüjome.”

24 Yohañ i kidaw nüna na kawñe, Jisu i Yohañ ubo gow nüna na ana tru, “Djo bye ge ha how jiña? Ha, ñedzülyiw yo age ngüa süge ngüa daw müsuğ i?

25 Nameje djo ha how jibaña? Ha, nüna gye howsa shedaw í? Howe, dju gye-güvo uw sheima sündä ñe uw ge gyoima, na mahal ge gýowwa.

26 Nameje ha how jimdobaña? Ha, djuma a ñihow í? Am, no djo trungkoime, ñihow truw ije dyewfo.

27 He ye sebamme, djubo gídama: ‘Howe, no muko í bavro bavro kijome, dju bavro ge kañe gábo gudow davojome.’ ”

28 “No djo trungkoime, mim naluhu yow sadaw na, namko ye Yohañ i dyewfo djuje mome sé dju Tawgyew i ñe ge imisafo dama, i se ije dyewfo me i.”

29 Sündä vyew nüna na seyo patso-lavow naje dzühuñe Yohañ ichi gow baptisma lañe Tawgyew i umso ve.

30 Sé Farisi seyo shotuko-kunu davow na ichi baptisma malañe Tawgyew i gábo shedaw i madzü.

31 “Sündada: no he shülsongkoi gow nüna na ha üdra tsojowa? Na ha veduda?

32 Na se angasa na veduw dju bajar ge gýoñe

nağütchü ġuksuġiñe ana cheġiw, ‘Ñi babo bzüva viw, se ba ñuksu je mada, sünda ñi duhu dawgeje ba kseje makse.’

³³ Hado chemeje Yohañ baptisma djüw i odje je matsaw kakülyada seyo tsü je matuw kakülyada, sé ba cheiye, usso ge mütü du.

³⁴ Nüna üsaw na tsa tuñe kakülyahume; se ba chewye, ‘Howe, tsaġotüw sünda tsü tujetchüw nüna nawa, patso-law üdraw seyo lalo gifuġuw nadraw.’

³⁵ Sé patsü-sholu ye nasaw nachi í umsoñe da veda.”

Simon Faresi ichi ñe ge lalobram í muchoahuw

³⁶ Sünda Farisi a ye í üdra ava tsasaweñe bakuda; sündawñe: i se Farisi i ñe ge jiñe ava tsajone ġyoha.

³⁷ Süge se ñetrü yo lalobram a ye, i Farisi i ñe ge ava tsaw jikuñe ġyoda che danghulye, kunulübzü yo daw shüve a ge šowsa šow uhu lajikuda.

³⁸ Sünda üshi ütrü ge, fum gow gudzüñe kseñe üshi i üñișü yo daġüñe sünda nudzo ükye gow ükyetrü yo düğüdra sünda üshi ge umdzu yo tsa tsañe, šowsa šow uhu yo šüi.

³⁹ He í holyeñe, se Farisi dju í baladama, üdrü-ulu ve vemche, “I ñihow truw nünan meje i danghujobi, dju i kingkoima, se ye djuma seyo küna mimma cheñe? Hado chemeje ibo lalobrambabi.”

⁴⁰ He í dzühulye Jisu i hutrolañe cheñ, “Simonña, no ba hadamje a chejome.”

⁴¹ “Bo djüw a ichi gudzuvaw ksü duw, a ye lumu yo bosüñ fo pom, seyo utro a ichi ge lumu yo bosüñ pomġü duw.

⁴² Ichi ge domgûtchojo ñiahuñe, sündawñe i naksü maksü i ujobammeñe traaha. Sûnda: naksümko a dju í nülvo fo vejowa?”

⁴³ Simon i cheñ, “no vew ge, i djú aña traafodama.” I í cheñ, “Ba uw vebadamme.”

⁴⁴ Sûnda se mim ichi ge tcholtrüñe i Simon i che, “Ba he mim i homa? No ba ñe ge jikuwbi sé ba nó üshi chejo hu je madjü, se i noshi i iñîşü yo dagzüida, seyo i nudzo ükyetrü yo dügüdraida.”

⁴⁵ Ba no umdzo yo bubu matsa, se no jikuw yo i noshi i umdzo yo bubu madamdu.

⁴⁶ Ba no kye ge tel je maşüi; se i noshi ge şowsa şow uhu şüida.

⁴⁷ “Sündada no ba chengkoime; i lalo şüpo duw ye, muchoihumme, hado chemeje i şüpo nülvo dada; sé djuchi mesame muchodama, i nülvow je mesame dawba.”

⁴⁸ Sûnda i mim í che, “Ba lalo muchoajemme.”

⁴⁹ Sündawñe üdra a ava tsaw gýosadaw na, nadrü-nalu ve vetsü, “He lalo na muchoihu ye djubajema?”

⁵⁰ Se i mim i che, “Ba kügüw ye ba gaksüi damme, lüshüw yo kajodabe.”

8

Jisu ichi shürhaw na

¹ Se yo na ñetrü ñetrü shi-ñu tru ka, seyo Tawgyew í ñe gow shi-ñu na truñe kahiwi, sündai nadra shürhaw gü yo ksü duse,

² seyo mim üchea naje djuso gow mütü na lahuañe so naw na dagyodama, se iñiñ ye Mariyam Magdalini chewme, djuso gow mütü mro kahuadama.

³ Seyo Herodes i hokrüvow Kuja ufum Yoanañe Susana seyo šüpo mim na í ná gañ-miği yo na kulom na hotunovow.

Iği truw ichi zeraw

⁴ Nüna upu jikyeğiatsüwñe, seyo ñetrü ñetrü gow na je ütrü ge jikutsüwñe, i zeğaw tru:

⁵ “Üsü traw nüna a ye üsaw traw jihua: trangkoi ye üsü üchea ye ġabokutru ge gaa, sünda dügrüprag, seyo ñedzü gow musu na pilag.

⁶ Seyo üche ye kunuka udru ge gaa, sünda shükülye, sêso hu gzüw mapawtro graha.

⁷ Üchea ye tsü namko ge gaa, sünda tsü na üša üša shüsañe i shümüla.

⁸ Seyo üchea na no uw ge gaada, sünda shülyilyeñe sheje fuğua dzaw djüda.” Ana chefiälyeñe i gow yo ñu che, “Djuchi ge dzüjo ufu duma dzüsawe.”

Zeğaw yo trudrüw

⁹ I shürhaw na i dzü, “He zeğaw ichi hawa?”

¹⁰ I cheñ, “Djo Tawgyew i ñe go ñu na dzüsüdügyewbi, se utro na zeğaw go trujome, hado chemeje na hohuñe mahohujome, seyo dzühuñe je madzüsüjome.”

¹¹ “Zeğaw í chemeje ana me: üsü ye Tawgyew í ñume.”

¹² Ğabo üdza ge ġyodaw na dju dzühudama; sündawñe mütü na jikuñe nadrü-nalu gow Tawgyew í ñu i lañe katrükrälye, hado cheme ana malyajošoma na Tawgyew i küğüñe na ġaksüw pajo.

¹³ Kunnu udru ge duw na, dzüñe lüshüw yo shi-ñu bo lañoi, séso ükrü ñiw tro ye na umso mesame kuw ve, sünda muchow ge gaaha.

¹⁴ Dju kusu ge gamyoadama, se na, dju dzüi na, sé vro ge kañe vesumow seyo bo-luko seyo shüng-dongkoi ge duhu ge gamyojome, sünda na sheje mañujo.

¹⁵ Sé no uw gow na he me, dju shi-ñu lu-drü lümyew yo dzüñe veima, na se yo sheje lakufijome.

Mitrü yo zeḡaw

¹⁶ “Djuje müsaw tchüholyeñe boḡtom yo pelye mavejo, seyo buḡo ufum ge mavejo, sé mütchü ubo ge vejo, hado chemeje nuna jikudaw na müsaw pajo.

¹⁷ Haje mamüşüme, ha ye matruhoajoma; seyo haje trumşüw ñime, se ye madanghujome sünda müsaw mapajoma.

¹⁸ Sündada ḡüdzüw ḡyowe, ba ha vego dzüngkoima? Hado chemeje djuchi ge dumañe vedama, i djüpyojolume; seyo djuchi ge ñima, ichi gow se ije laḡajome, ha ye ichi nudzoḡchiñe vedama.”

Jisu ichi ñeşüḡmüsaw

¹⁹ Üyaññe uñuw naksü ütrü ge jiku, sé nuna añe duw tro sa í matüvafilye.

²⁰ Sünda í tru, “Baññe bañuw naksü ba tüvajoñe ñepsü ge gudzudame.”

²¹ I í ñu i hutrolañe che, “No aññe no ñuw he bamme, dju Tawgyew i shi-ñu dzüñe seyo umso vewma.”

Şüw-lyiw law kaw í daḡüdzüahuw

²² Sesüyo ahua ye i seyo i shürhaw na lü ge gyolyi, sündä i ná cheñ, “Age djebya, hu dügepsü ge jibo.”

²³ Sündawñe: na lü í shaa.

²⁴ Sündawñe na jiñe í dapüñe, sündä cheñ, “Tawgyewa! Tawgyewa! Ñi mauwfimauw lyangkoimme. Sündawñe i pakülyeñe ñedzü şüw-lyiw seyo hu i lashüraw i miği sündawñe na damudoañe ğüdzüw lyaha.”

²⁵ Sündä i na che, “djo küğüi ye hanga?” Se na ğeaglye seyo mavenghuañe nağütchü cheği, “He djubajema, ñedzü şüw-lyiw seyo hu naje dügyeiye, sündä na i chew dzütsü.”

Ġuló mauw na lahuahuw

²⁶ Sündä Giraseni na ñetrü ge jiku se ye süge pseğ ge Galili hu ütrü iñisa ge.

²⁷ I hudza ge jikuwñe, se ñetrü go nuna a í tüva, djuso ge mütü kamyodama. Seyo şüpo üğaluw gomdo gye-ğuvo je mashew seyo ñe ge je mağyow nuğu ge aka ğyow.

²⁸ I Jisu i hoñe şogzu, sündä uvro toi gaañe gow yo ñu che, “He Toğgroyama Tawgyew üsaw Jisu! No badra ha dajo duwa? No ba chengkoime, no ñiku-ñisüw djudjüjodawe.”

²⁹ Hado chemeje i mütü í se nuna usso go kahuawe cheñe dügyengkoi, sündada i üdra gow lyanggudrulai. Sündä nuna na í sülyeñtchü seyo sülyebu yo vogo vew, sedamje i se sü na gokyoaha, sündä mütü ye i sümbye ge sagañgudrudügye.

³⁰ Jisu i í dzü, “Bañiñ hawa?” I cheñ, “Upu,” hado chemeje şüpo uğulo na usso ge kamyolyedabi.

³¹ Sündä i í cheñ, “No noğu ge djukadügyejowe.”

³² Süge puge vo upulo dyew a tsamroñe gýoda, sündä: i í cheñ, “No nalung ge kamyodügyewe.” Sündä: i í kamyodügye.

³³ Sündawñe se uḡulo ge nüna usso go kahuañe vo usso ge kamyoag sündä se vo upulo ye ḡo ge ḡuañe husu ge gamyoñe gamüla dzüag.

³⁴ Fugulu ḡyokrüw na se dagjew i holyeñe ḡe djeshükralyetsü, sündä ñetrü ñetrü ge kañe he ñu i trutsüküḡa.

³⁵ Sündä nüna na se dajew i how jihuatsü, sündä Jisu ichi ge jikuñe dju nüna usso go uḡulo mauw lahuadama se ye Jisu ishitrü ge gye sheñe ḡyodaw i hohuñe ḡeag.

³⁶ Sündä hohusadaw nüna na ná tru, se uḡulo mauw ye nüna i ñiku-ñisüw da vedaw í kúndañe uw dagyodama.

³⁷ Sündawñe Giraseni ñetrü üñisa gow nüna na Jisu i cheñ, ñichi ayo kahuañodabe; hado chemeje na ḡemḡekyoatsüdabi. Sündä: na lü ge gyolaye katrükralye.

³⁸ Djuso gow uḡulo mauw lahuadama se nüna ye í che, no badra ḡyokyejodawe, séso Jisu i kadügyelye cheñ.

³⁹ “Bañe ge kañe nüna na truwe, Tawgyew i kúndañe babo aña šüw-lyiw chiḡa dadama.” I kañe vyew ñetrü ge trüzeḡiatsüḡ, Jisu i nobo küña šüw-lyiw chiḡa dadama.

Sonaw mim seyo dzüdaw mimsa naksü dashütcho

⁴⁰ Jisu i Galili ñetrü go kalai sa a, nüna na lüshüw yo i tüva; hado chemeje na í ḡyokrüñe ḡyow.

⁴¹ Sündañe howe, Yayir cheñe nüna a iñiñ dju ñegru go dyewma, i jikuñe Jisu ishitrü ge gaañe cheñ, “Noñe ge jisawe.”

⁴² Hado chemeje ichi oje ġüyo ksü yo üsam akasa a duw ye dzüasalaibi. I jingkoi ge nüna ishitrü ge gaatsü.

⁴³ Sündä mim a dju oje ġüyo ksügomdo šü lu ġyowma sünda dju nudzo shüw-duw na so naw dagyow nadru ge tratsüdabi sedamje djugzü gow je i madagyofibi,

⁴⁴ fum gow jiñe i gye üdza ge kig sündawñe sešügdo a i šü luw ye lumudoag.

⁴⁵ Se yo a Jisu i cheñ, “No dju kidüğña?” Vyow na makitsüñe chetsüwñe, Patras seyo üdra ayo dusaw na cheñ, “He Tawgyewwa, bá he nüna fupulodaw na düñe badru ge gaiwa.”

⁴⁶ Séšo Jisu i cheñ, “Djudamje a no kidawa hado chemeje no danghudabi nochi gow mu kahua-jewa.”

⁴⁷ Mim ye holýeñe no mamušufijobañe vewñe, usso somsokyo jikülye, sünda ishitrü ge gaañe vyew nüna navro se trukülye, i hado kima, sünda kündañe mekutcho dagyogdama.

⁴⁸ I í cheñ, “Nosamya ba küğüw ye ba dagyodašoñe, lüshüw yo kajodawe.”

⁴⁹ I trungkoibalubi ye, ñegru go mügaw i nüna a jekuñe che, “Basam dzüdamme: mügaw i duhu djujüwe.”

⁵⁰ Jisu i dzühuñe cheñ, “Djuġejodawe; küğüjodabuwe; i basüjošome.”

⁵¹ Ñe ge jikuñe i üdra ye Patras, Yohañ, Yakub seyo mimsa üyow-üyañ na tralyeñe djuje ütrü üñisa

ge majidüggiew da.

⁵² Sündaw vüew na ubo kse-ñigitsü, séšo i cheñ, “Djuksejodawe; I madzüme, i drumubadame.”

⁵³ Nüna na i dzüdabi che danghuñe, i chedaw i dzüñe tchüg.

⁵⁴ Sé i ügzü í kigolañe guksuñe che, “He akoo pakülyebi.”

⁵⁵ Sündawñe gulo üshükülyeñe pakülyeg; sünda i na dügye í tsajo hadamje djüwe che.

⁵⁶ Üyawñe üyañ naksü mavenghutsüg, sé i ná cheñ, he ha dajema se i djuje djutruwe.

9

Shürhaw güyo ksü ná jidügyew

¹ Sündatcholye i na güyo ksü shürhaw na balañe ná guló mauw seyo so naw na dagyow dajo gow bó vye.

² Sünda ná Tawgyew i ñe go shi-ñu uw truw, seyo so naw na dagyowe cheñe ki.

³ Sünda i ná che, “Jiw ge haje djulawe: shobo je djulawe, kapüga je, odje je, bo je seyo polu ksü ksü djulawe.

⁴ Seyo dju ñe yedamje ba gyogoima, se a gyojodawe; sünda se yo kahujodawe.

⁵ Dju bala magokyema se ñetrü yo kahuañe ishigo ñelümo na pafajodawe, hado chemeje nadru ge na je truksüfijo.”

⁶ Sünda: na jihuañe ñetrü, ñetrü shi-ñu uw tru kaahi, seyo nüna ná djuje djuje dagyoñe kaahi.

Herodas í velamow

⁷ Seyo ñetrü go psügi fum yo nugo Herodes i he í dzühulyeñe mavenghuag, hado chemeje

kũña nũna na trudabya, Se i Yohañ dzũdo go ũshũkülyetchoda cheñe.

⁸ Sũnda kũña nũna na he i, se Eliya i hohuda: utro na ana je chetcho, ahugo ñihow truw mũgaw namko yo djuma ũshũkülyetchoda.

⁹ Sešo Herodes i che, “Yohañ ũkye bo no poskeadũgyembi, he ye djutchoa, djufu go ana ñu dzũhumkotchoiya?” Sũnda i í hoñoñikũlye.

Nũna hadza pom ná gyew

¹⁰ Sũnda í shũrhaw na kakuñe na ha ha dalyedama ná í truatsũ. Sũnda i ná utro ge lagañe, Betseda cheñe ñetrũ a ge lañe kakye.

¹¹ He i danghulyeñe nũna na ufum fupuloatsũ, sũnda í ná lũshũw yo tũvatsũ, seyo ná i Tawgyew i Nogofu shi-ñu trukye, sũnda djũ dagyodũgyeñoñdama, ná dagyo.

¹² Ñeto kapsealaibi a, se í shũrhaw gũyo ksũ jikuñe che, “Upu na kadũgyejodabe, kañe na ñetrũ ge ná gũyo seyo tsajo bũhohidame, hado chemeje ñi gũdzũw ñetrũ ge dume.”

¹³ I ná che, “Djo ná tsajo djũbalabya.” Na cheñ, “Ñichi ge odje pom seyo tchũkro ksũ yo haje ñime; sé ñi jihuañe vyow nabo tsaw-tuw prũlameje, se ye dujome.”

¹⁴ (Hado chemeje sa yo sa a muhu fo pom kuw du.) Sũnda i í shũrhaw na che, “Ná pom gũ, pom gũ dañe gũyodũgyewe.”

¹⁵ Na sũna dabadába, seyo vyow ná gũyodũgye.

¹⁶ Sese Tawgyew i ũlgũ odje pom seyo tchũkrosa ksũ í la, seyo ñedzũdru ge hotroñe na gağũzũ djũ, sũnda tchekuği, tchekuğiñe í shũrhaw na djũ nũna na hawe cheñe.

17 Sündä: vyow na tsalyeñe tsaşelatsüdabi, seyo godza daw yo mo ģü yo ksü guw trügula.

Patras i Jisu í Tawgyewñe vyew

18 Se i akasa ģüdzüw ge kagañe küġümkoi sese, seyo idra ye ichi shürhaw na idra dusa, sündawñe i ná dzü, “Nüna na nó ha cheiya?”

19 Na che, “Yohañ baptisma djui ye, seyo kagua na mügaw Eliya, seyo kagua na chew ye ahugo ñihow tru w mügaw nangko yo a üshükülye da.”

20 I ná dzü, “Sešo djo nó ha cheiya?” Patras i che, “Tawgyew i üsaw Masi.”

21 Sündawñe Jisu ná züpsüġeñe che, “He ana djúje djuchewe.”

Jisu i í nudzo dzüjo í ñihow tru

22 Sündä i che, “Nüna üsaw í duhu paketra-jobamme, seyo dasüñejome seyo kew mügaw na seyo mügaw sawlyiw seyo shizew-ñuzew na í hosüġaw vyeñe shijobamme, sündä i ñegi dzü ye üshükülyetchojome.”

Jisu ufum kasaw ye

23 I vyow ná che, “djuma no fum kasajo vedama, nudzoġ yo makasajoñe trawe seyo shüwa nudzo shokru i gilañe no fum kasajodawe.

24 Hado chemeje dju yo nudzoġ shüw ye fupojome vedama na shokru í moajome, sé djudamje nobo nudzoġ uluvyu takyoima se iyo í fupojome.

25 Nüna na vyow druguw-drulyiw í patsülameje, seyo nudzoġ uluvyu ye takyoame, semome ñiku-ñisüw pa, se yo ha palajowa?

²⁶ Djudamje no yo seyo no ñu yo ñimtchüñjema; nūna ūsaw ye je ichi seyo i awu ichi sūnda gūdraw sorgomuko ichi lūshūw pawñe, ije ñimtchüñjome.

²⁷ No djo umso trungkoime, dju ayo ha a gudzu-dama, namko he a ūchea na ana dame Tawgyew i ñetrū mahohumdoluye, na dzūw ye kūnama madanghujome.”

Musa ñe Iliya naksüdra Jisu

²⁸ He ñu na chelye ñegi šügzü fum sa a Patras, Yohañ seyo Yakub na ūdra kŭgŭw pu a ge lañe jike.

²⁹ I kŭgŭngkolui ye, ukrumro utro a lya, seyo i gye ye grobülašŭksŭñe lūna-lūnakŭlye.

³⁰ Sese, muhu ksü se ye Musa ñe Eliya naksü ūdra ñu chitrungekoi.

³¹ Na ġulo gūdrawdra hohu, sūnda i dzūjo go ñu poġi, se ye Yarusalem ge dajo.

³² Patras ñe ūdraw na drumuġoñatsüdabi, sūnda na pakŭlyewñe, i ġulo gūdraw; seyo se nūna ksü ye dju ūdra gudzŭsadama, hohu.

³³ Na ichi yo kajoñe dawñe, Patras i Jisu í che, “He ūbrawwa, ñi ha a ġyow ye uwme: sūnda: ñi lañe ulŭgŭ dzü dajome, a ye babo, a ye Musa ibo, seyo a ye Eliya ibo.” I madanghu, i ha chengkoima.

³⁴ I ana chengkobaiye, ná mumu yo boshiġiag, ná mumu yo bolyangkoi ye na ġeatsŭg.

³⁵ Sūnda se mumu yo ana ñu a zekŭlye, “He ye nosaw seyo no i golawme, i chew dzŭwe.”

³⁶ He ñu i dzŭhungkoi ge, Jisu i akasa hohuda; sūnda i mazŭda ġyoda, sūnda ha hohudama, se ñu í se ñeto ge djuje malakŭlye.

Muhusa í ġulo mauw yo lahua

³⁷ Seyo se draha na pu gošü kagaahuñe, upu dyew a í jiñe tüva.

³⁸ Sündawñe, upumko yo nüna a ye šogzuñe che, “He dadrüwa, no ba chengkoime, nosaw i nülvow hoijodawe; hado chemeje i nosaw akasame.

³⁹ Sünda howe, ĝulo mauw a usso ge kamyö, sünda i ülya akaye šogzukülyeg; seyo i se í ana ĝüşhülyiĝiada, se i üga ge üzetcho fegukülye; seyo í ana damgzüw yo ñiku-ñisüw da tra.

⁴⁰ Seyo no bachi shürhaw ná che, í lahuawe; séšo na malahuafi.”

⁴¹ Jisu i che, “He maküĝü seyo bolu datchüw shürhaw nawa, no djodra küña kuw ĝyofisajowa, seyo djó daw na vejowa? I muhu i cheñ, basaw i age la jekuha.”

⁴² I jimkolai ye ĝulo mauw ye í lola padubug, sé Jisu i ñišgzüñ ĝulo í miĝiñe seyo muhusa í uw dagyoñe uyow ügzü ge djü.

⁴³ Sündawñe vyow na Tawgyew i gow yo mavenghutsü. Sé vyow na í ha ha chiĝa dadama se na trongkoiye, sese i í shürhaw na che.

⁴⁴ “He ñu ye djo djofu ge vejodawe, hado chemeje nüna üsaw í nüna nagzü yo kigo ladügyejome.”

⁴⁵ Sé na he ñu i madzüsü; se i í madanghdügye; seyo na he ñu ífo go idra dzüjoje ĝetcho.

Vyow namko yo dyewfo djuwa?

⁴⁶ Sünda shürhaw naĝütchü ge ñu a kakülye, se i ye nangko a dju dyewfoma?

⁴⁷ Sešo Jisu i nalu ge vedaw í danghula, sünda muhumsasa a í lañe idra a gudzudügye,

⁴⁸ Sündä i che, “Dju damje noñiñi yo he muhusa i hutroima, se i nó hutrolawme; seyo dju nó hutroima, se na nó kidaw na je hutrolawbamme, hado chemeje djomko yo imisa yo imisafodama, se ye dyewfobamme.”

Dju maveñisama, na udrašome

⁴⁹ Sündawñe Yohañ i che, “He übrawwa, ñí nūna a ye bañiñi lañe ġulo mauw í lahuahuw hohudame, sündada ñi í gohame, hado chemeje i ñidra ñisañe bafum makasa.”

⁵⁰ Jisu i ná che, “Í djugohajo dawē; hado chemeje dju djo mauw madama, na djodra dujome.”

Jerusalem ge jiw

⁵¹ Se í sorgo ge lalyimdrü ñeto kakusalaibi sese, sündawñe i Yarusalem ge jijoñe vye.

⁵² Seyo i ivro ge mukow ki: i Samariya na ñetrü a ge ji, íbó ġyojo dashütrüivojoñe.

⁵³ Sé na i magyogadügye, hado chemeje i Yarusalem ge jingkoida.

⁵⁴ Se i hoñe í shürhaw Yakub ñe Yohañ naksü che, “He Tawgyewwa; ba ha tsüda, se i ñi dügye, se i ñedzü go mi gaañe ná damyawewñe ma?”

⁵⁵ Séšo i tcholtruġiañe na ze, [Seyo che “Ba madanghuwa ba ha uġulo yo ma. Hado chemeje nūna üsaw ye nūna nachi luvyu ye damütrajoñe madaw se í ġaksüjoñe kakuwme.”]

⁵⁶ Sündalye iñe i shürhaw na ñetrü utro ge jitrükralye.

Jisu ufum kasaw chemeje

⁵⁷ Se i ġabo jimkoi ge, se djuma a ye í che, “Ba hange hange jiyima, no bafum kasajome.”

⁵⁸ Jisu i í che, “Šelü ichi uksu seyo ñedzü go musu nachi üdrü duwme, sé nüna üsaw ichi ükye vejo je ñe ñime.”

⁵⁹ I utro nüna a i che, “Nofum jisawe.” I che, “He Tawgyewwa, nó uvromashü kadügyevzüwe, no awu í ġuavzäjome.”

⁶⁰ I í che, “Dzüdaw na ná nudzoġ dzüw í büġudame, sé ba jiñe Tawgyew ichi ñetrü go shi-ñu trujodawe.”

⁶¹ Utro a ye je che, “He Tawgyewwa, no bafum kasajome; sé uvromashü nó kadügyevzüwe no nochi ñe go nüna na yo mülüñ kajoñe.”

⁶² Jisu i í che, “Djudamje nudzo ügzü i luk-sungkuġu ge kiñe fum ge homeje, i Tawgyew i ñetrü ge ġyofiwjome.”

10

Shüraw mroġü ná kiw

¹ Seyo he ñu nafum sa a Tawgyew i nüna mroġü lapyo, sünda ha ha ñetrü ge i jijoma, süge ksü, ksü dañe ivro kibraġitsü.

² Sünda i ná che, “Rhamu kiw aña dume; séšo chiġa daw mesame duba sündada vi übraw i küġüwe chejodawe, se i í nudzoġ vi í tcholajo vi nüna kiwe.”

³ Jiwe; howe no djó fugulu vyeduw dañe fumsu namko ge kijome.

⁴ Sündada dzulngasaje djulawe, kapüġa je, seyo shita je; sünda ġabo ge je nüna ná dju je gaga djudawe.

⁵ “Dju ñe ge jihima, uvromashü chevzüwe, ‘He ñe ge ġüdzüw djuwe chewe.’ ”

⁶ Süge djuma gûdzüw pafiwo dumeje, ba gûdzüw djüdaw ye üdra dusajome, momeje bachi ge kakutchojome.

⁷ Se ñe ge gýowe, sünda ichi go ha paima, se í tsa-tuwe, hado chemeje chiğa daw nüna na ná shishü patsüw; ñetro-ñetro djukahijodawe.

⁸ Seyo ha ñetrü ge jiyima, sügow nüna na hutrovowñe, se bavro a ha vedama se i tsajodabuwe.

⁹ “Sügow sonaw ná dagyojodawe: sünda ná chewe, ‘Tawgyew í ñetrü ye batrü iñiñisa ge kakudamme.’ ”

¹⁰ Sé ba ha ñetrü ge jimyoima, seyo sügo nüna na bá mahutrovolaime, ná bodzağ ge jeñe ana chewe,

¹¹ “ ‘Djo ñetrü yo ñelümo naje, ñishi ge güdrüsadow na, ñi djovro a pafiamkoimme, sedamje he í danghujodawe, Tawgyew i ñetrü djotrü iñiñsa ge kakulaimme.’ ”

¹² No djo trungkoime, se niyay ñeto se ñetrü ye Sadom ñetrü í je mofokaw gijo lyajome.”

Üdrü-ulu mavyegudow ná tui

¹³ “Tui Kurajiña! Tui Betseda! Dju dyew chiğa dafiwo ye djo ge dadama, sese í Sor ñetrüñe sidon ñetrü ge dameje, na ke ge gye güpañe seyo kütsesüpu ge gýoñe na kye ge dru-lu vyegudoñjemma.

¹⁴ Sešo, melye gzuñe cheğiyi sehu bafo vyego yo yeje Sor ñe Sidon naksü vyego ye vyeksufofijome.

¹⁵ Seyo Kafarnahum ñetrü, hawa ba soğgo kuw lüvzüw dalyijoma? Ba bó noğu üla ge kuw üla kaajome.”

¹⁶ “Dju ba chew dzüima, se i no chew dzüjo, sünda ba dju mauw daima, noje i mauw dajome; seyo

dju no mauw daima, se ye no kiadaw i je mauw dajome.”

Shürhaw mroĝü na kakuw

¹⁷ Se shürhaw mroĝü yo ksü na lüshüw yo kakutchoñe che, “He Tawgyewwa, ba üñiñi yo se ĝuló mauw na je ñichi pudu-puña ulunge pumódame.”

¹⁸ I ná che, “No mütü í ñedzü lüĝaw veduw ñedzü go gaahu hohuime.”

¹⁹ No djó byu na seyo mütü güdzü na dügrüdzagofijo djüwme, seyo vyeñiw nachi go vyew mau dafiwo ná madafijo pudu-puña djüwme; seyo ha gañ yo je djo naw madafijomme.

²⁰ Sé sünašo cheñe djulüshüwe, se ĝulo mauw na djo pudu-puña yo pumoda cheñe, sešo djo lüshüjo dawe se djo ñiñi Ñedzü ge ĝi vyedotro yo.

Üsaw udru yo uyow í duw

²¹ Sa yo sa a i ĝulo güdraw yo dañe lüshüdzoalye, seyo che “He Awa, Ñedzü ñe No i Tawgyewwa, no ba ulu yo uw cheime, se ba he ñu na danghu-kinghuw nüna seyo vyesü-vyelüw na yo müšüñe veda, sünda angasa natrü ge duda. Am, he Tawgyewa, hado chemeje bá he í uw veda.

²² No awu i nó vyow nodru ge traadamme; seyo djuje madanghu se saw ye djujema, awu aka danghuba seyo awu djujema se je dju madanghu, se i ye sawchi gemdo aka seyo se djudru ge saw i dujoñe vyedama.”

²³ Seyo í shürhaw nachi ge tchoñe akasa ge che, “Šüvzüwme se iñi ye, se he ñu ná se ba hoiwa hoiye,

24 Hado chemeje no djo chemkoime, šüpo ñihow truw na seyo ñubyu na tsüdaw ye, se ba ha ñu ye hoima howe; sé maho seyo ha ñu ye ba dzüima dzüwe, sé madzühu.”

Samri nüna uw a i zeĝaw

25 Sündawñe nüna a gudzulyi; sünda ana cheñe í küna daima hopüñew che, “He shotuko-kunu go dadrüwa, shüwa shüw shüjo ibo ha dameje ujowa?”

26 I í che, “Shotuko-kunu ge ha ĝida? Ba kúnda ngüña?”

27 I trutcho, “Ba Tabraw bá nudzoĝ Tawgyewchi go vyew nudzoĝ drü-lu seyo nudzoĝ krâše seyo nudzoĝ budzu vyew se nadra nülwov vyejodawe; seyo nudzoĝ ĝafopsüĝi-ĝampsüĝi go ná nülvojo dawe.”

28 I í che, “Ba umso chedaba, he ana dabya sündame üshü ĝyojome.”

29 Sé i í nudzo í usu dajoñe veñe Jisu í dzü, “Nameje nochi ĝafopsüĝi-ĝampsüĝi na djuwa?”

30 Jisu i che, “Nüna a ye Yarusalem yo Jeriko ge jimkoi ye ñigudu tsaĝaw na djeshiĝiaña i gye í na shalügülag, sünda gü-shü dañe atrü dzüw datralye katrükralye.

31 Sünda ana da, se ĝabo ge müĝaw a kamkoi, séšo í holye ĝeaglyeñe djetrükralye.

32 Ana vedumbo Lewi a ye je sešü katcho, ije í holyeñe ĝeaglye djetrükralyetcho.

33 Séšo djudamje Samari ñetrü a go sa a kakukülye, sünda í hohulyeñe nülvo vyela.

34 Sünda itrüĝañ ge jikuñe seyo ichi üshi ge lu-vuhu seyo tsühu prüñe gyeche-gyelye yo pyogo,

seyo í gügedru ge gyodügyelyeñe ñe gyow ge lajikye sünda í uwyo hoivo.

³⁵ Se draha í lumu yo bosüñ ksü lahuañe se ñebraw i djüñe che, ‘I uwyo hoivojodawe, seyo bachi go küña kapyoima, se ye no kakuwñe doajome.’ ”

³⁶ Hesahelu he ba vyew ge se na ñigudu-tsağaw süna ge lyalahado, nadzüngko a dju ichi gáfopsügi gampsügi go na ñe veiya,?

³⁷ I che, “Se i dju í nülvodama.” Jisu i í che, “Kai, baje kañe süná dajodawe.”

Marta ñe Mariyam

³⁸ Sündatcholye Jisuñe i shürhaw na jimkoitchoi ye, se i ñetrü a ge ji, seyo Marta cheñe mim a ye í iñe ge balada.

³⁹ Seyo Mariam cheñe uñum a duw, i Tawgyew ishitrü ge gyoñe i shi-ñu dzüw.

⁴⁰ Sé Marta chiğa da dañe mavenghua sünda itrü iñisa ge jikuñe che, “He Tawgyewwa, ba haje mavema, noñum í no akasa chiğa dawene traadaw ye? Sündada í chetcho, nó datunowe.”

⁴¹ Tawgyew i í trutcho, “Marta O Marta; ba süpyo ñu ha vejema venglyeñe seyo mavenghu lyaha.”

⁴² “Séso ñu a ye umsime, seyo se chiğa uw í Mariam i golame; se i ichi go malağafijomme.”

11

Tawgyew Kügüw í dadrüw

¹ Sündatcholye ahua ye i nolu a ye kügüngkoi. Seyo i se kügüfiahuwñe, ichi shürhaw namko yo a ye í che, “He Tawgyewwa, Yohañ i í shürhaw

ná küna veduw kügüdrüdama baje ñi süna veduw kügüdrüwe.”

² I í che, “kye damje djo kügümkoime, sese chejodawe:

‘He Awa,

Bañiñ güdraw vejome, ba gâdzü kakülyawe.’ ”

³ “ ‘Ñichi muhu muhu yo tsajo-tujo í ñi djüijodawe.’

⁴ ‘Seyo ñi lalo na muchoaijo dawe,

Hado chemeje ñi je, ñi mauw dado na muchoaijome,

Sünda ñi mauw uw dajo yo gâksüiwe.’ ”

Prünggudruwe

⁵ Sünda Jisu i ná che, “Djumko ye üdraw a duw ye djuwa, sünda i ñegimko ge pakülyeñe ichi ge ji í chewe, ‘He drawwa; nó odje üka dzü djüwe.

⁶ Hado chemeje, kasew-biñew go draw a ye nochi ge jikuda, sünda ivro ge veiyo nochi ge haje ñime.’ ”

⁷ Sünda i ulung goñü ñu tru, se nó afafsüw djudjüwe; yabó ñegüdrüñü je dugoadammje, sünda nosa ye nodra buño ge gñusadame, sündada no bá pakülyeñe haje madjüfijomme.

⁸ No ba trungkoime, se üdraw duñ sese je í pakülyeñe haje madjüfisabamme, sedamje i ñimtchüñ ye tralye prüdo ye í küña tsüdama süña pakülyeñe djüjoño.

⁹ Sünda no djó cheime; prümeje, djo djüjome; tchümeje djo pajome; dümeje, djobo voaijome.

¹⁰ Hado chemeje dju prüima, ná pajome; sünda dju tchüima, na pajome; seyo dju düima, nabo voaijome.

11 Djomko ye dju ana awu duwa, se üsaw ye odje prüme, se í kunnu djü, seyo sündalye tchü prümeje, se tchü madjüw byu djü?

12 Semome jeje prülaime, se í mütü güdzü djü?

13 Sünda, ba maulyeñe je basa ná gañ uw djüjo danghumeje, se djo ñedzü go Awu, i ichi nudzoğ nüna prüi ná hado ğulo güdraw madjüjowa.

Jisu ñe mütü na go dyewfo

14 Sündatcholye Jisu i ügadow ğulo mauw a í lahu-atcho; se ğulo mauw ye kahuahuñe, ügadodo ye ütrü zekülye; sünda nüna na mavenghuatsü.

15 Séšo namko ye küña na cheda, “I bó ğuló mauw nachi go dyewfow mütü ichi datunow yo lahuabaiwa.”

16 Utro na í dafidama hojoñe í ñedzü udru ge hadame sheweñe cheshew shewe che.

17 Séšo Jisu i, nadržü-nalü ge vedaw i danghulyeñe, na che, “Ha ha ñetrüğüfo ge brağidama, se ñetrüğüfo ye mütrüajome; sünda ha ñe ye brağidama, se ñe ye je mümyajome.

18 Seyo sünda mütü ye í nudzo íbo magotchow dame, se ichi ñetrüğüfo kündañe dujowa? Hado chemeje djo nofo go ana chešoibi, se mütü i datunow yo se mauw ná lahuabaibi cheñe.

19 Senameje no mütü i datunow yo ğuló mauw ná lahuabaimeje, se djó agü na dju tunow yo kakülyebaiya? Sündada ná djo niyay djüw nüna chejome.

20 Séšo no Tawgyew udruyo yo uğulo mauw na lahuameje, Tawgyew i ñetrüğüfo ye djotrü ge kakujome.

²¹ Nüna gow na nachi ñe i êaksüw chiaêi pyogoñe ñe í hokrüimeje, se ichi gañ-miêi na êüdzüw dujo.

²² Seêo ije gofotchow na djuma a í tumuvojoñe í dafoahuñe, í se chiaêi na ha ye i veksüdama, sena laêalag seyo ichi gañ-miêi na laêañe habraêiame.

²³ Dju nodra ñima se i no mavyewme, seyo dju nodra dukyeêiyima se i trabraêiajome.”

Êuló ñiêgzüñ ye ñe tchüw

²⁴ “Nüna usso go ñiêgzüñ êulo kahuahuñe nokro ge êyogoyo tchüêijome, sünda mapawñe i chejome, no ha ñe yo kahua dama se ñe ge kamyotchojome.

²⁵ Sünda kakuwñe i gümsa-gümêañe howsa hohujome.

²⁶ Sündawñe i idra ye í je mofokow uêulo mauw mro ye idra ye lakujome, sünda na ilunge kamyoñe sayo sa êyojome, sünda se nüna ye uvro gow ije mokofow mauw lyajome.”

²⁷ Sese i he ñu i trungkoi ye upumko go mim a ye gow yo che, “Êüvzüwme se uluhu ye hayo sa a ba êyodama seyo se apu ye ha ye ba mütsüdama.”

²⁸ I che, “Am; séêo êüvzüwme i, dju Tawgyew i ñu dzüñe i chew dzüima.”

Ñedzü go ñu prüw

²⁹ Se êüpyo upu kyeêipyo dawñe, i che, “He ñishü yo nüna na maume; na chishew tchünggudru; se ná Yona i chishew í tralye seyo haje chi mashejome.

³⁰ Yona í küna veduw Ninwe ñetrü go chishew vewma, sünambo nüna üsa ye he ñishü yo nüna na chishew vedujome.

³¹ Müdzavye go nugom niyay djüw se ñetomüdrü ayo nüna nadra gudzuñe, í datrüwñe chejome,

hado chemeje i Suleman i ñu dzüjoñe druguw-drulyiw udza go jikuda, sünda holabya he ayo he a Suleman ije dyewfo a du.

³² Ninwe go nüna na Niyay djüw ñetomdrü ye hesalu yo nüna nadra gudzuñe, naso ge truchoai-jome; hado chemeje na Yona i ñu tru í dzüñe nadra-nalu muchoagye sünda howe, age Yona ije dyewfo a dume.”

Ussu go mütrü

³³ “Dju nüna je bela ge mütrü tchühoñe ġumşü ge seyo ñeshü ge mavewme, seşo mütrü ubo ge dzugo vewme hado chemeje nüna jikui na hohujoñe.

³⁴ Baso go mütrü ye bañi ye me, sündada bañi ġüdrameje, se basso naje vyow müsajome; seşo se ye maumeje, basso ge je nukuġujome.

³⁵ Sündada ufu je ksü-üñi je ksü dañe ġyowe, se müsaw ye baso duwye nukuġuañeme.

³⁶ Sündada baso ye vyow müsazeġiame, seyo se ichi hangeje manukrumeje, se sündame se vyow na müsajome, süna vyeduw ñeto ge dadawa, se mütrü ye ichi lünaw yo djó müsaw djüiwa.”

Mim na seyo Farisi na gohaw

³⁷ Jisu i ñu trungkoi ye, djudamje Farisi a ye i che, se nochi ge jiñe ava tsawe; sünda i ñelu ge djemyoñe ava tsajoñe ġyoag.

³⁸ Farisi na basha go na ava matsalu üshi-upo machew í holyeñe mavyenghua.

³⁹ Tawgyew i í che, “O Farisi, ba bekasa seyo bela na udru udru go ġüdrawşo, seşo balung ge vyesbiw seyo mauw vyesumokradama.

⁴⁰ Budzu ñiw nawa, dju ñepsü go vye ye dadama, hawa se i ulung go i madaima?

⁴¹ Am séšo, ulung go gañ-miği duw na chi djüajo dawé, sündameje bábo vyow güdraw lyajome.”

⁴² “Se Farisi nawa, djo tui me! Ba pudina ñe sudab yo, seyo vyow ñomñow sheğe bağüdo yo ülye ğü tronguaña djüşoma, séšo Niay i seyo Tawgyew i nülvo í mahutroiwa; tsüwbo tsüda hena je dañgudru seyo sena je tratcho.

⁴³ Farisia nawa, djo druge tui me! Djo ñegru ge nugo buğo uw vye seyo badzağ ge ye djó gaga tsüw.”

⁴⁴ “Djo tui me! Hado chemeje djo se pelyado nuğu vedudame, süge nüna na udru ge dügrüñe kahi, se madanghuw nuğu du cheñe.”

⁴⁵ Sündawñe mükyew a ye í che, “Dadrüwa, he ana cheñe ba ñi tchügoime.”

⁴⁶ Jisu che, “Oi shotuko-kunu dakyew nawa, djoje tui me! Djo ana lojemalofiw gañ me, nüna nadrü ge joşoi seşo yabó djo djogzütsü a je madadü.”

⁴⁷ Djo je tui! Djo se ñihow truw na nuğu chiw, djo djo aki-awu na shilyedama.

⁴⁸ Sünda: djo truksüw nüna me, seyo djo aki-awu na dalyedaw yo uw vye; hado chemeje na bó ná shidabi sünda djo ná nuğu í daw.

⁴⁹ Sündada Tawgyew i patsü-sholu je chedame, se no nachi ge ñihow truw seyo shürhaw kiajome, seyo na nağiyo küña na shijojema seyo küña na daşe-damejojema.

⁵⁰ Se i ye küña ñihow truw duma naşü í he druguw-drulyiw í dakülyejobo a fualyedame, vyew na ğilyedo ye he ñefo ayo nüna nachi yo lajodawe.

⁵¹ Habil í üşü yo dalalye Jakaria í shiw kuw se

psügañe mügañe naksümko ye shiw: no djo umso truime; ichi gidoye he ñefo syo shüdo nuna nachi go lajome.

⁵² Shotuko-kunu dakyew djo tui me! Se djo je patsü-sholu veğiwo bo ladaşome, séşo djo djoluvyo makakume, seyo kakujõe dado na dugo vye.

⁵³ Sündalye i sa yo kahuahuñe, sese shizew-ñuzew nañe seyo Farisi şüpyo ifum kase seyo i dagtso-damrhüñe, ha ha ñu bütroluweñe da, se i şüpyo ñu ufo bütroluweñe

⁵⁴ sünda na i ha ñu chehualaima gyokrü gyo, se umdzu yo ha damje ñu zetruluhw ye kigolajoñe.

12

Ğivow seyo Farisi na dambo djulyawe

¹ Aña a sese hadzağ-hadzağ dzaw nuna fuguñe, aña ana kuw nağütchü tcheği-lügyeği da, se i uvromashü í shürhaw ná che, “Farisi nago loğâlôge yo üga gyojodawe.

² Vyojo haje dümyoñe maveme, madanghujo haje müşüñe maveme.

³ Sündada ba ha damje nukuğuw ge chedo ye, se i müsaw ge dzühujome; seyo ñeğüñ ulung ge ufu ge ha aşesa yo chedama, se ye ñelütsü udru go yo trujome.”

Iyo ğewe

⁴ “Séşo no djo trungkoime, nodraw nawa, dju usso i shifidama se na seyo ha madamñefijomme, ná djuğejo dawe.

⁵ No djo trumchemjome djo djú ğejoma, dzüwñe djú chigüje ge lañe djoafima, se í ğejo dawe; no djo trupangkoitchoimme, se í ğejodabuwe.

⁶ Hawa ajolya ksü yo sülyisa pom madrüafima? Sedamje Tawgyew i namko ye a ye je makoŝoa.

⁷ Bakye go vyow ükyetrü duw naje ngümdzo vedame, sündada: djuŕejo dawe, ba sülyisa na dafowme.

Jisu í matsüñe chewye hama

⁸ “No djo chengkoime djudamje no nüna navro ge nó noŝobiñe danghumeje na je nüna üsaw ye je Tawgyew i sorgomuko uvro ge êŝobijome.

⁹ Séŝo dju nüna navro ge no hopseĝiahima ije Tawgyew í sorgomuko uvro ye hopseĝiajome.”

¹⁰ “Dju nüna üsaw ütüma mauw truima, i datrudaw í muchoaijome. Séŝo dju ĝulo güdraw ütüma mauw trüima, í datruw í mamuchoijomme.”

¹¹ “Nüna na ba mügaw-ñegru seyo mükyew seyo damikyew navro lakuwñe, ba navro ge ha chemeje ujojema seyo küna chejojema se na djuvengüajodawe.

¹² Hado chemeje ĝulo güdraw ba sayo sa a ha chejome zedrüjome.”

Nüna nugo a ye veduw

¹³ Seyo upu go nüna a ye í che, “He dadrüwa, noñuw í awu í bo-luko ná noje hawe chejodawe.”

¹⁴ I í che, “Nüna nawa, nó dju niyay djüw seyo baĝüĝiw nüna boña?”

¹⁵ Sünda i í che, “Uw yo ho ĝyojodawe, seyo tsaĝa-laĝaw süna yo basü ĝyojodawe; hado chemeje nüna na shüw ye dju bo-luko duw yo mashüwme.”

¹⁶ I í zeĝaw a tru, “Tümbum nugo a í no ge rhamu ŝüpo kakülye.

17 Sündawñe i ulvyu ge no hadajojemmañe ve, hado chemeje nochi ge bo no dakülyedaw rhamu na vejo buño je ñi.

18 Sündá í che, ‘no ana dajobabi: no nó ñetchü í tashalyeñe dyew dalajo; sündá no rhamu seyo bo-luko na vyow süge vejo;

19 sündá no ġulo i chejo, ġuloa, bachi ge oje šüpo üġalaw kuw bo-luko vewme; ġyogowe, tsawe, tuwe seyo lüshüw yo ġyowe.’

20 Sešo Tawgyew i í che, ‘Chi madnaghuw nūna! He ñegimdo ñegi a ba lutuw ye lutukyo adügyejomme; sündawñe ba küña dashütrüñe vedama, se ye djuchi lyajowa?’

21 Ana je nūna duwme dju nudzo ubo bo-luko dashütrüñe ve, sé i Tawgyew iñgzü ge nugo mo.”

Ha ñu yo je duhu djudajo dawé

22 Sündá i í shürhaw ná che, “Sündada no djo trungkoime, nudzo shüjo-dujo ubo djuvewe, no ha tsajojemañe; seyo nudzo usso ubo je ha gye-ġuvo shejojemañe.

23 Hado chemeje tsaw-tuw í shüw ye, seyo gye-ġuvo í dyewfo usso yeme.

24 Pülġam na hojodawe; na zuje mazuw seyo ñetchü ge rhamu je mapaw; sedamje Tawgyew i ná tsakyewšo. Bá musu na fow go añe dufowme.

25 Djomko ye dju duwa, dju vengaw yo nudzo i shüngkoi ge ganta a ña damje shafijo ye?

26 Sündada ba imisa fo chiġa íje madafimeje, hado utro ñu ná lañe vemyoñña?

27 Bye go shoba ná hojo dawé, na kúndañe shülyima; na chiġa je madaw chitra je madaw; sedamje no djo chengkoime, Suleman je í küña

übadzü gidama, namko ye ana veduw gañ a je magime.

²⁸ Sündada Tawgyew i no go suso-mütchü namaje yow gye sheida sünda draha ná boti shüw ge joañe, anambo gye-ğuvo sheñe veihume; Tawgyew ge mesame veksüw nawa, djo künadañe añe masheijowa?

²⁹ Sünda djo ha tsajojema ha tujojema süna ve djuğyowe, sünda meaje mavemyow djudajodawe.

³⁰ Hado chemeje he druguw-drulyiw ayo go vyow tuğu-tumo na he ana veduw bostu na tchünggudruwme sünda ba Awu danghudame djo he bostu na šüpo tsüda cheñe.

³¹ Séšo ichi ġadzü i tchüjodawe, sündameje, he bostu naje pajome.

Bo-luko ná hange dashütrüñe vejowa?

³² “Nüna imisa nawa, djuğejodawe; hado chemeje ba awu i bá ġadzü paweñe vedame.

³³ Nudzo ichi fuñ-voñ na draalyeñe tunoajodawe; sündalye nudzo ubo ana dalajodawe, ha ye üme malyajoma, sünda soğgo ge ana bo-luko dashütrülajo dawe ha ye makaajoma, djutrü iñisa ge tsaksutchüw naje majikujo seyo bulu naje mauw madajo.

³⁴ Hado chemeje hange bachi bo-luko duma, badrü-balu he süge dujome.

Dashütrüjo ġyovojo dawe

³⁵ “Djotsü na pyogo vejo dawe, seyo dju mütrü na dzodügyejo dawe.

³⁶ Sünda djo se kulo na veduw dajo dawe, dju nudzo dadrü í gzü jiw go ke kakujojemañe ġyokrü

ĝyow veduw; i kakuñe ñegüdrüşü düwñe mekutcho djeñe voa.

³⁷ Gaĝüzewe se kulo í, djú dadrűw ye kakuñe madrumuvow hohudama; no djo umso trungkoime, i ütsü ge pyogolañe ava tsajoñe ĝyojo, sünda üñisa jiñe í hoijo.

³⁸ I ñegi ge ülye ksü seyo ülye dzü ñepüñew ge je pakülyew hohumeje, se kulo ye gaĝüzebamme.

³⁹ Djo he i danghujo vejo dawew, ñe übraw ye tsaksutchűw na tsaksuw ke jikujoma se í danghubammeje, i pakülye ĝyojobamme, sünda nudzo ñe ge majimyogyejome.

⁴⁰ Baje dashütrű ĝyojodawew; hado chemeje ha homoi ye jikujoñe mavew se homoi ge nűna üsaw jikujome.”

Veksűfw kulo djuwa?

⁴¹ Sündawñe Patras i che, “He Tawgyewwa, ba he zeĝaw ye ñi aka bama mow vyow naje truwma.”

⁴² Tawgyew i che, “He veksűw seyo patsű-sholu hokrűw ye djuwa, djuchi dadrűw ye ná tsaw-tuw homai ge djűweñe kulo-kutro boñe ve.

⁴³ Se kulo ye gaĝüzeme, djú í dadrűw ye ana dangkoiye hohudama.

⁴⁴ No djo umso cheime; I í nudzo ichi vyow boluko ge zeĝiw vejobamme.

⁴⁵ Séšo se kulo ye ulu ge ana vemeje, no dadrűw ye üĝalaw ge kakujobañe veñe, sünda kulo seyo kulom na ĝűne seyo tsañe tuñe tukrañe ĝyomeje.

⁴⁶ Se kulo i dadrűw ye ana ñeto a ye, i madanghuw ñeto a ye, i í maĝyokrűngkoi ye, seyo i madanghuw homai ye, kakujo sündañe í sojai djűñe í usu maw ge ngűañe vejo.

⁴⁷ Seyo se kulo dju nudzo dadrűw í vėw í danghuñe, seyo madashűtrűvoñe seyo í vew kuw ge makasabammeje, şűpo tsalajobamme.

⁴⁸ Séšo dju madanghuñe ġűw tsalajo chiġa dadama se ye me tsalajobame, sűndada dju añe djűdama, í añe prűjome; seyo dju şűpo boñe vedame, ichigo añe lajome.

Ġűdzűw duşome

⁴⁹ “No druguw-drulyiw ge mi dahow kakűlyahume; sűnda ha tsűdawa chemeje hesalu mi dzomzoaweñe!

⁵⁰ No baptisma lajome; sűnda no malamdolu kuw no kűna mauw ñiku-ñisűw ge ġyjojema!

⁵¹ Ba vedaw ye no he druguw-drulyiw ge ġűdzűw kakudañe vedama? No ba chengkoime; mome, no dabraġiahuw kakűlyahume.

⁵² Hado chemeje hesalu yo ñe ge nűna pom naġűtchű ge magaġijome, dzű ye ksű ũdra seyo ksű ye dzű ũdra.

⁵³ Awu ye saw ũdra, seyo saw ye awu ũdra maveġijome; añ ye sam ũdra seyo sam ye añ ũdra, apye ye safu ũdra, seyo safu apye ũdra maveġijome.”

Ŭmdrű í hosűw

⁵⁴ Sűnda i upu naje che, “Mumu íje druguw go kalyiw hohumeje, djeañe ñedzű şűjo chew; sűnda sűna dabaibi.

⁵⁵ Sűnda műdza gow ñedzű lyiw hohuñe cheibi, ñedzű shűw lyijome, sűnda sűna dabyo-daġyotcho.

⁵⁶ Loġa-loġe nűna nawa, djo ñedzűñe no naksű í utroñe danghudameje, hado he shűw-duw ubo kűndañe madanghufia?”

Nudzo ñu duw ná chebruawe

57 “Ba hesalu ba nudzo yo hado ñu mavelafia?

58 Ba bá fodaw nūna ūdra mukow ichi ge jingko ye, ġabo ge ñu chegüdrajo dawē, momeje ba í mukow ichi ge šūñe lajikyeñeme, sūnda mukow i bá shipashi nagzū ge djūñe seyo shipashi na bá pache ge shūñeme.

59 No djo trungkoime, ba ajolya ajolya dañe magimdzoalu kuw, ba makahuañjome.”

13

Vegudolawe mome mütrajobamme

1 Nūna ūchea sayo sa a djeku, seyo Jisu í Galiliyo nabo go ñu dzūngkoi, djušū í Pilatus i í kŭġŭw ge djūasadamma.

2 He í dzūhuñe Jisu i na che, “Djo ana veima, he Galili na utro Galili ná lalofoñe, hado chemeje nadru ge ana veduw ñiku-ñisūw djūda che?

3 No djo trungkoime, mowme; séšo djo djüdrü djolu mavetülümeje djo vyow he ñom yo mütratsüjobamme.

4 Mow djo ana vedama, Shilom ge nūna ġütrü šügzü djüdrü ge post gaañe trüalyañe dzūdama: na vyow Yarusalem ge kŭña tuġu-tumo shütsüdama ná lalofoma?

5 No djo trungkoime, mowme; séšo djo djüdrü djolu mavetülümeje djo vyow he ñom yo mütratsüjobamme.”

Lufuje ūyañ ūje majew

6 Sūnda i he zeġaw ije tru, “Djuchidamje anggur vi ge lufuje ūyañ a zuñe veda: i sayo sa a sheje thcŭw jikuda, sé í mapa.

⁷ Sündä i vi ġyokrüw nūna i che, ‘Howe oje dzü gomdo no he lufuje üyañ go sheje tchüw jikunggu-dru, sé keje mapa, he í chepyojo dawē, i hado no í ġyokrügejowa?’

⁸ I í ana che, dadrüwa, í oje a kuw ġyokrülüwe; no üdza üdza ge no chiguġuañe nobi sujome.

⁹ Sündañe, drawha ge sheje jelaimeje uw; se molaimeje chepyojo dašobe.”

Mim utsubo kuw í dagyow

¹⁰ Ġyogow ñeto sehu Jisu küġüw ñegru a ye truñe ġyoda.

¹¹ Süge mim a du, dju oje ġütrü šügzügomdo ksuw kaw mütü a kamyoda, sündä i utsubo kuw lyada, sündä i keje gudow magudzufiwi.

¹² Jisu i hohuñe balayeñe, che, “O mimya, ba bá hamalyiw yo kahuajemme.”

¹³ Sündä i ügzü í udru ge ve, sündä i djeañe gudow lyajebi, sündä Tawgyew í trokülyejebi.

¹⁴ Hado chemeje Jisu i ġyogow ñeto sehu dagyoda, mügaw na seyo nugobraw na nūna na che, “Ñegi ġe duw me, sa yo sa chiġa dajo dawē, seyo se ñeto ye jikuñe dagyojo dabuwe; séšo Sabat ñeto ge djudawē.”

¹⁵ He í dzühulye Tawgyew i che, “Loġa-loġe nūna nawa, ġyogow ñeto sehu djo djó nudzo fulhu seyo giġa na ñe tashalyeñe hu tuw lañe majikewma?

¹⁶ Seyo ha ye madafijo cheña, he mim Abraham üsam djuso ge oje ġütrü šügzügomdo mütü ye pyogodama, se í ġyogow ñeto ye vogodaw i kihuaño?”

¹⁷ Ná he ñu na chewñe, í ubo mauw dai na ñimtchüñ lyatsü, seyo vyow upu na se uw chiġa dadaw ubo lüshütsü.

Pemdu üsü seyo pa í shipyew

¹⁸ Sündá Jisu í chetcho, “Tawgyew í ġadzü dju veduda? Seyo no í ha shipyew üdra djüsejowa?”

¹⁹ I pemdu üsü a veduwbame, djú nüna na lañe ná vi ge trawma; sünda i shülyiñe shoñ lya; sünda ñedzü go musu na ufotsa ge guñe ġyow.”

²⁰ I sünda chetcho, “No Tawgyew í ġadzü í dju vedu dañe vejowa?”

²¹ I pa vedudame, djú mim a ye lañe oje ulumo tola dzü ge gülüşüġia, sünda ñu-ñuñe oje ulumo ye pa lya.”

Ñegüdrüşü imisa

²² I ñetrü-ñetrü jiñe dadrüşü Yarusalem ge ji.

²³ Sünda djudamje a í che, “He Tawgyewa, nüna mesame basüafijobama?” I í che,

²⁴ “Ñegüdrüşü imisa yo jimyojodawe, hado chemeje no djo trungkoime, şüpo nüna na jimyojoñe dajome, se majimyojime.

²⁵ Ñe ubrow gudzulyiñe ñegüdrüşü dugoahuñe, seyo ba ñepsü ge gudzuñe ñegüdrüşü düñe che, ‘He Tawgyewwa, nobo vojodawe,’ sünda i sügow no ba madanghume, ha hanggowa?

²⁶ Sündawñe ba chejo, ‘No ba how ge tsa-tuw sünda ba ñi bodzaġ ge dadrüda.’

²⁷ Séso i chejo, no djo chengkoime, ‘No madanghume djo hanggoma. Mütü chiġa daw nüna nawa, djo vyow no yo üġa ġyojodawe.’

²⁸ Süge ksew seyo utu trashügrüjome, ba Abraham, Isahak seyo Yakub seyo vyow ñihow truw ná Tawgyew ge ġadzü ge ġyodaw hohuñe nudzo í ñepsü kahuahuw hohujome.

²⁹ Sündä druguw seyo drulyiw; tchüsa seyo müdza go nüna na jikuñe Tawgyew i ñetrügüfo ge dusejome.

³⁰ He i danghulajo dawē, küña ná fum ge duma, na uvro ge dujome, seyo küña na uvro ge duma, na fum ge dujome.”

Herod i vyeñiw na

³¹ Sa yo sa küña Farisi na jikuñe í chejea, “Ayogo kahuañe kajo dawē; hado chemeje Herodes í ba shijoñe vedame.”

³² I ná che, “Kañe se šelü í trujodawē, howe, no yow je seyo draha je uġulo na lahuañe seyo usso naw na dagyojolume, sündä ñegi dzü ye no chiġa damdzoajome.

³³ Sedamje no yow, draha seyo pülha kuw ji-jome, hado chemeje dju ñihow truw na Yarusalem í ñepsü ge madzūfijome.

Yarusalem ubo duhu

³⁴ “He Yarusalem! He Yarusalem! Ba se ñihow truw ná shiye, seyo bachi ge dju kiima ná kunu yo trümoahiye; no ana veduw küña tsüda, joñi i üsa ná utupro ulung ge küna tchelaima, sünambo noje basa ná lakyeġiajoñe daw, sé ba he í matsü.

³⁵ Howe, bañe babo kabra-kasaġijjome, sündä no djo chengkoime; ba ‘Ná üdrü-ulu yo uw cheime, se nüna ye gaġüzü dume dju Tawgyew iñiñi yo lañe kakuima,’ machemdolu ba nó keje mahohujome.”

14

Ġyogow ñeto ge dagyow

¹ Sündá í g̃yogow ñeto sehu djudamje Farisi nágo nugo a i ñe ge odje tsaw ji: sündá ná í usu yo hopasa.

² Süge í veduw muhu a du, dju usso dalfuñe nada.

³ Jisu í Farisi seyo shotuko-kunu damivro ná che, “g̃yogow ñeto ge dagyomeje ujo ma mow ma?”

⁴ Sé na madañda g̃yo. Sündawñe Jisu i í ügzü kiñe dagyo, sündá kadügye. Sündá i í ügzü kidüñe dagyo, sündá kadügye.

⁵ Sündá i ná che, “Djongko ye dju duwa, djusa seyo fulhu ye kalü ulung ge gamyoya sündá g̃yogow ñeto ye kutcho malahuaño.”

⁶ Sé ná he ñu ge haje machefibi.

Tumowna ná hovow

⁷ I hobanda, tumona baladaw na uw uw buḡo tsatchüñe lai sündá í se ná hoñe zeḡaw ze,

⁸ “Djuma djo ḡü ge balai ye, buḡo dyew tsatchüñe djuḡyodawe, asha baje dyewfo tumona baw je dufijome.

⁹ Sündá dju ije seyo baje badama, bá jikuñe ana chemeje, ‘Í buḡo djüjo dawē,’ sündawñe ba ñimtchüñ lyañe ülafo buḡo ge ḡyow dujobamme.

¹⁰ Sé bá bawñe, ülafo buḡo ge jiñe ḡyojo dawē, bá badaw nüna ye jikuwñe, bá ana che ‘Drawa, uvro ge kalyiñe ḡyoya,’ sündawñe badra a ḡyosadaw navro ge udru kalyijome.

¹¹ Hado chemeje dju nudzo yo dyew dalaima, se ye imisa lyajome; seyo dju nudzó í imisa dalaima, se ye dyew lyajome.”

Dakülyew

¹² Sündawñe Jisu i í baladaw naje che, “Djo ñeto ge damje ñegi ge damje ava tsaw ge, nudzo draw, ayo-ñuw, ñeşü seyo nugo na djubajodawe, ana dañeme, naje djo balañe dağũñeme.

¹³ Sé ba ava tsakelai ge sapse, hamalyiw, üshilyew seyo iñiğew ná bajo dawew.

¹⁴ Sündawñe ba gağũzebamme, hado chemeje nachi ge djó djüjo haje ñiwme, sêso djó ná güdraw yo üshükũleye go kũğũijome.”

Tsaw-tuw dyew go shipyew

¹⁵ Üdra ava tsasangkoi go nüna a ye he ñu ná dzühulyeñe che, “Gağũze nadra dujome, dju Tawgyew í ġadzü ge odje tsaima.”

¹⁶ Ná i che, “Djudamje nüna a ye ava dyew tsakeñe seyo sünda şüpo ná ba.

¹⁷ Tsaw-tuw dafihuñe, i í kulo ná tumona baladaw ná cheñe ki, ‘Age djebe; tsaw-tuw dafiamme.’

¹⁸ Sé vyow na chetsü, ‘uvro go ye í che, no vi a prülawme, sünda no se í hojo dume; no ba chengkoime, no maf daijo dawew.’

¹⁹ Utro a ye che, ‘No fulhu fulshi pom lawme, sünda no he na dañe how jingkoime; no ba chengkoime, no maf daijo dawew.’

²⁰ Sünda a ye che, ‘No gzü dawme, sündada no majikufijome.’

²¹ Se kulo ye jekuñe i ñe übraw í he ñu ná trutsü. Sündawñe se ñe ubraw ye lusuvyulalye í kulo í che, ‘ñetrü go bozağ seyo ġabo ge kutcho jeñe sapse, kiği, üshilyew seyo iñiğew ná age lañe kakuwe.’

²² Kulo ye che, ‘O übrawa, ba küna chedama, süna damme; sé yaje buğo ufo dulumme.’

23 Übraw ye kulo í che, ‘Ĝabo ge seyo füta duw ge djeñe nüna ná künadamje lañe kakujodawe sündameje noñe gujome.’

24 Hado chemeje no djó trungkoime, se tumona badaw ná no tsaw-tuw í tsapüñeje matsapüñejome.”

Dju Jisu í kulo lyafijowa?

25 Sünda upu na ufum kasawñe, sünda Jisu i fum ge tchoñe ná che.

26 “Djudamje nochi ge jikuñe, seyo nudzo awu, añ, ufum, agü, ñu seyo ñum seyo nudzo shüw-duw naje mahosübammeje, í no shürhaw mowme;

27 Seyo dju nudzo shokru íje magilama; sünda nofum makameje; se je no shürhaw madafijome.”

28 “Djomko ye dju post dzuĝoñdama, seyo uvromsahü bo küña kajoma, damdzojo kuw nochi ge duşoma ñima mahow?

29 Ana dawñe, i shobo dzugoñe ñekru makru-fiwñe, sündawñe hovow nüna na vyow í tchüĝojoşo,

30 ‘He nüna ye damyowbo damyodaşowa, sé madamdzofiwa?’

31 Mo dju ñubyu duwa, utro ñubyu nadra tumo daw jiw, sünda uvromashü ĝyoñe mavemchevzüme, se hadza büsha kulo lañe nodrü ge tujovodawye no hadza ĝü lañe üdra daĝufijoşoma mo mowma?

32 Mowmeje üĝa ĝyodamje, mukow kiñe ñu ĝüdzüagyefijo.

33 Ana veduw djo nudzo ichi küña duma ná nobo matrafimeje, se ye no shürhaw malyafijome.

Tsamtsalyow ĝu

34 “Gu bo udame, sé êu tsamêüw lyameje, se í ha yo êu lüw dajowa.

35 Se ye no ubo je seyo nobi ubo je chiêa ge makakujomme: se í nüna na ñepsü ge joajohubamme. Djuchi ge dzüjo ufu duma dzülasajodawe.”

15

Fugulu moahuw i shipyew

1 Vyow patso-law na seyo lalo ubraw ná ichi ge dzüw jikuw.

2 Seyo Farisi na seyo shizew-ñuzew na dubyoêunguñe che, “I bó lalo ubraw ná tüvañe seyo nadra ava je tsasai.”

3 Sündawñe i ná he zeêaw í tru:

4 “Djongko ye djuwa djuchi fugulu fuêua duma, sünda namko sa a moahuñe se sütü êütrü sütü ná nodo ge tralye, se a moadaw í matchülalu kuw tchü êyo?

5 Sünda tchülawñe, i êüpo lüshüw upostu ge trütalañe ka.

6 Sünda ñe ge kakuñe draw seyo ñeêü na bakeêiañe che, ‘Nodra lüshüsawe, hado chemeje nochí fugulu moadaw ye tchüladamme.’

7 No djo truime; ana veduw ñedzü ge je lalo a dju vyegudoladama ubo lüshüjome, küñambo sütüêütrü sütü nüna êüdraw dju ulu mavegudojo duma nabo madama.

Bosüñ moahuw i shipyew

8 “Ana mim dju dujowa, djuchi ge bosüñ êü duw, sünda namko ye bosüñ a moadabi; sündawñe

i matchü uw mütrü tchühoñe seyo ñe na süñe, dju uw yo matchüjowa?

⁹ Sünda tchülawñe, i üdram na seyo ñeşü ná balañe che, nodra lüshü-lübasawe nochi bosüñ moadaw ye tchüladamme.

¹⁰ No djo truime; ana veduw, lalo nüna a í ulu vyegudolaw ge Tawgyew í sorgomuko ná ana lüshüjome.”

Saw tsağudroahuw i shipyew

¹¹ Sünda Jisu i che, “Nüna a ichi saw ksü duw.

¹² Naksümko ye kiğiw ye uyow í che ‘Awa, nobo go bo-luko duw ye, no djüjo dawew.’ I í ichi bo-luko na hağiag.

¹³ Sünda ñegi aña makulu fum ye üsaw kiğiw ye vyow dashütrü lalyeña ñetrü üğa a ge katrükralye, sünda süge bo-luko duw na vyow tsağudroamdzoag.

¹⁴ I vyow damdzoahuña, se ñetrü ge nokrow kaku, sünda i usso ufobüla lya.

¹⁵ Sünda i se ñetrü go nüna a ichi ji, se nüna ye í í vi ge vo na awa gyew ki.

¹⁶ Sünda i ve uluhu í gudugyejoña se votsa pago go vo na tsa; hado chemeje í djuje haje madjü.

¹⁷ Í vepalawña, sünda che, ‘No awu ichi küña vi daw ná tsaw-tuw aña paw, seyo no age luhuşüw yo dzüangkoibi.

¹⁸ No gudzulyiña no awu ichi kaña í chejo, awa no ñedzüña ba how ge lalo datroadaşomme.

¹⁹ No basaw chejo haje matramme, no ba vi daw a veduw vejodawe.’ ”

Saw tsağudroahuw í kakutchow

20 “Sünda i gudzulyiñe, i awu ichi ge ji: uğa gudzudalu sa a uyow i í hoñe nülvo veag, sünda gyojeñe í krumogo lag, seyo šüpo chuma tsa.

21 Üsaw ye í che, ‘Awa, no ñedzü í hovow seyo ba how ye lalo dadamme; sünda hesalu basaw chejo go ñimme.’

22 Sé uyow i í kulo ná che, ‘Kutcho shedra uw yo je uw lañe í sheijodawe, sünda ügzütsü ge gütsülye lyeijo dawewe, seyo ishi ge shita duijo dawewe,

23 Sünda rhano a dajo dawewe, sünda me ñi tsa-tuñe lüshüfijobi.

24 Hado chemeje nosaw ye dzüwmme, sünda üshükülyedamme: moahumme, hesalu tchülatchodamme.’ Sünda í lüshü-lübaw da.”

Saw nugow i shipyew

25 “Sé üsaw nugow ye vi ge du. Sünda í kañe ñe kakulai ye, i nuğuw dagruw seyo ñuksu daw dzühu.

26 Sünda i kulo a í balañe dzü, ‘He ha dangkoiya?’

27 I í che, ‘Ba ñuw kakudamme, sünda ba awu i tsa-tuw dyew vedame, hado chemeje i í nüna uw hohuda.’”

28 “Saw nugow ye he í dzühulyeñe i lusuvyum-foag seyo ñe ulung makamyogon lyag: séšo uyow i ñepse ge jihuañe í nü.

29 I uyo i che, ‘Howe; no aña ojegomdo bá gaksüñe gyow, sünda ba chew keje madzügaahuw, nodraw nadra lüshü-lübaw dajo, ba no yow kuw küšüsa üsa adamje madjülü.

30 Séšo he basaw ye ba bo-luko ná utroñiw mim nadru ge djoañe kakuwñe, ba ubo aña dyew tsaw-tuw dañe gyew.’

³¹ I í che, ‘Sawwa, ba shüwduw nodra dusaw; seyo nochi ha duma se vyow bachibamme.

³² Séšo hesalu lüshü-lübajodume hado chemeje he ba ñuw ye dzüñe üshükülyetchodabi; moadabi, se hesalu tchülatchodabi.’ ”

16

Budzu duw nüna

¹ Sünda Jisu je í shürhaw ná che, “Nugo a ichi ge hokrügiw a duwme, sünda nüna na i howye se hokrüw í i bo-luko ná tsağudroahime cheñe usso ge trutchoañe ve.

² Sünda nugo ye í balañe che, ‘He hawa no babo go ñu dzühuiye? Ba hokrüşo cheñe shewe; momeje ba hokrügiw ge mağyofijome.’

³ Sündawñe hokrügiw ye vemchepüñe, ‘Hesalu no hadajobya? Hado chemeje no übraw ye hokrügiw go no lahuangkoibi: noje no machifi; seyo no tsatuğujoje şüpo ñimtchüñ vei.

⁴ No danghudaba no ha dajoma: nó hokrügiw go lahuahuwñe nüna na nó nañe ge lajo.’

⁵ Sünda i übraw i chi gudzüdaw ná a a balañe dzüpüñe, no ubraw ichi ge ba küña dojo duwa?

⁶ I che, ‘Fuğua tsow psüw tel du,’ sünda i í che, ba kutcho ğyoañe kako ge pomğü ğijo dawe.

⁷ Sünda i utro a í dzütcho, ‘Bachi küña dojo duwa?’ I che, ‘Pu ulumo fuğua tsow dume,’ sündawñe i í che, ‘Bá kako lañe şüzgüzğü ğijo dawe.’ ”

⁸ “Übraw ye se machiñiw hokrügiw í tro, hado chemeje i budzu yo chiğa dadabi; hado chemeje he druguw-drulyiw go nüna na ná ñeto go nüna nadra chiğa dasaw ge, müsaw go nüna ná fow budzu du.

⁹ Sünda no djo cheime, mauw go bo yo ba nudzo ubo üdra dalajo dawé; hado chemeje i kaahuñe, bá na shüwa-shüw lüshüw ge lamyosajo.

¹⁰ Dju imisa yo je imisa ge usuima, ná añe ge je usujobamme: seyo dju imisa yo je imisa ge usu mowma: se na añe ge je usu mojome.

¹¹ Sündada ba he druguw-drulyiw ayo bo-luko ge usu mowbammeje, bo umso dju djüjowa?

¹² Sünda ba tuğuda-ğuvodzü i bo-luko ge je usu mowbammeje, ha ye bachi ma, se í dju djüjowa?”

¹³ “Dju kulo ye je übraw ksü í mağaksüfijome hado chemeje i a í mahoğon dajo seyo a í nülvo dajome; mome a udra gaağijo seyo a üdra magağijo: ba Tawgyewñe bo-luko naksü í mağaksüfijome.”

Tawgyew í gadzü i go

¹⁴ Farisi na, dju tsağotüdama, he na dzühulyeñe Jisu í maw-uw zekülye.

¹⁵ I ná che, “Djobó nüna na how ge uw dañe she, séšo Tawgyew í djodru djolu ná danghuwme, hado chemeje ha gañ ye nünan na how ge dyew dama, se ye Tawgyew i inğzü ge imisame.”

¹⁶ Yohañ í kakuw kuw, shotuko-kunu seyo ñihow truw naje ná chiğa daw. Sehu ñetogomdo Tawgyew i ñetrüğüfo go shi-ñu truñe kaw, sünda vyow nüna na süna datsü.

¹⁷ Ñedzüñe no naksü í kabrağiahu ye shotuko ütra a yo lyajobame.

¹⁸ “Dju nudzo ufum udra brağilyeñe utro nadra gzü daima, se na lalo dawme, seyo dju brağiñe gyodaw mim í gzü daima se ye lalo dawme.

Nugo nünañe sapse Lajar

19 “Nugo nūna a duw dju djūw rong seyo gye uw shewma, seyo shūwa-duwa lūshū-lūbaw dañe ġyonggudruw.

20 Sūnda Lajar iñiñ yo sapse seyo tsadu yo guñe í molgi ütrü toi tralye.

21 Sūnda í vew, nugo í tsamyew djoadau yo uluhu í tsaşelajo; momeje şulyo na je í tsadu í kañe tsalowba.

22 Sūnda se sapse ye dzütrükralye, sūnda sorgo-muko na í Abraham ichi laku. Seyo nugo ye je dzüdañe zuadabi,

23 Sūnda noġu üşü ge şüpo naw yo iñi voaño üġa go hobanda, Lajar í Abraham í udru ge ġgyodau hohu.

24 Sūnda i ġuksuño che, ‘He Awa Abrahamya, no nülvo veño, Lajar í kiño, ügzütsü üdza ge hu pagzüño nozelbüla í ngüadügyejo daw, hado chemeje no he mi ulbu dzongkoige dzahiimme.’

25 Séşo Abraham i che, ‘Sawwa vehujodawe, ba bá şhülye ge gye-ġuvo uw shehulyewme, sūnambo Lajar i gye-ġuvo mauw, seşo i hesalu age ġüdzüw pangkoimme, sūnda ba namoahibi.

26 Sūnda he ñu na traaño no seyo ba, ñiksüŋko ye ġo dyam a dzühadame, ago dju bachi ge jilaġoñ dama, na majilafijomme, seyo sügo dju age nochi ge jikuġoñdama na majikufijomme.’

27 Lajar i che, ‘He awa, no ba chengkoime, ba no awu iño ge kiyajo daw,

28 Hado chemeje no ñu pom duwlume, i na hovrow ge he ñu na trume ujome, mowmeje na he anambo ñiku-ñisüw no ge kakuñeme.’

29 Abraham i í che, ‘Nachi ge Musa seyo ñihow truwa ná kako duwbase, na se í chew büdzüda.’

30 I che, ‘Awu Abrahamya, mowme; nūna dzüw

a nachi ge jikülyameje, na nadrü-nalu vyegu-dogijome.’

³¹ I í che, ‘Na Musa seyo ñihow truw na chew maje madzübi se í, nuna dzüw namko yo djudam üshükülyeñe jiadamje, na madzüjomme.’ ”

17

Zehaw

¹ Sünda Jisu i í shürhaw ná che, “He ye umsoma ha ñu ye lalo yo ma, se ye kakujome, séšo se nuna í lalome dju yo kakuima.

² Dju he gáto kunu namko ye djudamje a í dügaima, ibo shedra psüm yo udum ge pyogolyeñe, huği ge djoahuye ufojobamme.

³ Vemcheñe gyojodawe; bañuw datrulaimeje, zehajodawe, seyo vepalaimeje í muchoaijo dawe.

⁴ Í ahua ye ülye mro datrudamje bachi ge ülye mro jikuñe che, no datrudašomme, sündawñe ba í datrudaw í muchoaijo dawe.”

Bá veksüw küña dyewda?

⁵ Sündawñe í shürhaw na Tawgyew i che, “Ñí veksüw í damñeijo dawe.”

⁶ Prabu i che, “Bachi ge pemdu üsü ütraña kuwdamje veksüw dumeje, ba he kumtchü iyañ í ükrügomdo taprülañe huği ge shüwe chejo, sündameje i ba chew dzüjo.

Chiñiw kulo

⁷ “Sé djomko ye ana dju chejowa, dju kulo ye no chi momeje fugulu ná saw, sünda i vi go kakuwñe, sünda í che, ‘Kutcho age jeñe gyoñe ava tsabe?’

⁸ Haña i ná machejoma, no ava dashütrübe: no tsangko tungkolui kuw toi bašümpe í kidzagolalyeñe no hoiwe; sünda se fum ye baje tsa-tuwe.

⁹ Haña i se kulo í ulu yo vejoma, hado chemej i í dügyedaw chiğa í aka dabada?

¹⁰ Anambo ba je, se vyow chiğa dügyedaw ná damdzoahuñe, baje chewe, ‘Ñi machiñiw kulome; ñi ha dasajo duma se í aka dabadame.’ ”

Tabüñ naw a í nülvo

¹¹ Sünda ana da, Jisu Yarusalem jiw ge Samariañe Galili ñetrü yo jipseañe ji.

¹² Sünda ñetrü a ge jimyongkoi ge í südzüm gö gö nadaw na tüva, dju na üga gudzudama.

¹³ Sünda i üga ge gudzüñe, gó yo che, “He Jisu, he dadrüwa, no nülvojo dawel!”

¹⁴ Jisu i í hoñe che, “Jebe; sünda bá nudzo í mügaw ná shejo dawel.” Seyo kabyo-kağyowñe güdrajebi.

¹⁵ Sündawñe namko yo a ye hoñe dagyolagdabi, gow yo Tawgyew í troñe katrükralye.

¹⁶ Seyo Jisu ishitrüge gaañe ukrumro yo ishi ge drüñe, ulvyu yo uw che; sünda í nüna uw.

¹⁷ He íbo Jisu i che, “Haña na gö güdraw malyama, nameje se sütü ye hanga?”

¹⁸ Haña he tuğuda-ğuvodzü í tralyeñe dju ñimma Tawgyew í trojo?”

¹⁹ Sündawñe i í che, “Gudzuñe kabi; ba veksüw ye bá dagyodamme.”

Tawgyew í ġadzü kakülyahuw

²⁰ Farisi namko yo a í Tawgyew í ġadzü ke kakülyajowa che dzüñe, Jisu ná che, “Tawgyew í ġadzü ana holaw dañe makakülyajome.”

21 Sünda nüna naje ana machejome, age howe, age dume, süge dume. Hado chemeje, Tawgyew í ġadzü djumko ye dume.

22 Sündawñe i shürhaw ná che, “Sé ñeto je kaku-jome, hai ba nüna üsaw í hoġoñiw dzüajo, sé mahohujome.

23 Nüna na ba chejome, ‘Howe, süge dume!’ Mome ‘Howe age dume!’ Séšo ba djujejo dawwe sünda nafum je djudajo dawwe.

24 Hado chemeje ñedzü-lüġaw ye ñedzü üdza a yo utro üdza ge kuw müsakumbo, nüna üsaw ye je í ñeto kuwñe kakülyeġsome.

25 Séšo uvromashü i šüpo ñiku-ñisüw gilajome, seyo he shülyiw yo nüna na í matsüñe chejome.

26 Nuha i ñeto ge küna dadama, sünambo nüna üsaw i ñeto ge je dajome.

27 Nuha i lü ulung ge magyomyolu kuw, nüna na tsa-tu ġyo, seyo namko ye ġzü dañe ġyo; sündawñe hulüşü kaküñe vyow mauw damdzoa.

28 Seyo Lut i ñeto ge dambo veduw, nüna tsa-tuñe bumdzu daġiw, shobro zuñe seo ñe daw.

29 Séšo ha ñeto Lut í Sodom ge kadama, sehu ñeto ñedzü go mi seyo ecid šükülyañe vyow mauw damdzoag.

30 Nüna üsaw í kakülyahu ge je ana dajobamme.”

31 “Sehu ñeto, dju ñelütsü ge duma; seyo na ġañ ñe ulung ge du, na se na law ulung ge djukamyowe, sünda sünambo dju vi ge duma na fum ge djukawe.

32 Lut ufum í vehujodawe!

33 Dju nudzo í ġaksüjoñe veima na maġaksüfijome, seyo dju nudzo shüw í maġaksüfima na basüjome.

³⁴ No djo trungkoime, se ñegi nüna ksü buô a ye üsa dujome, a í latrayemjomme, seyo utro a í traalyjome.

³⁵ Mim ksü ye êato üsa êüjome, a í latrayejo, a í traayejome.

³⁶ [Nüna ksü vi ge dujome, a í latrayejo seyo a í traayejome.]”

³⁷ He ná dzühuyeñe na í dzü, “He Tawgyewwa he na hai dajowa?” I ná che, “Hai ñimo duma, süge kurkukiñ dujome.”

18

Müjemñe mauw zevow

¹ Sünda Jisu i ná he ubo go zeêaw a trulyeñe udrü-ulu magaada, mamuduw küêüweñe che:

² “Hange damje ñetrü a ye mukow a êyow; dju Tawgyew ije maêew seyo nüna nabo je mavew.

³ Sünda se ñetrü ye müjem je a êyow: dju ichi ge jikunggudruñe í chenggudru, ‘No insaf djüiyeyñe nobo êaksüijodawe.’

⁴ I üêaluw kuw madzü séso fum ye ulu ge vepüñeñe che, ‘No Tawgyew ije maêew, seyo nüna nabo je mavetunow;

⁵ Sedamje he müjem ye no matraa, sündada ubo insaf djüijo, mowmeje i nochi ge jikunggudruñe no êüdzüw maêodügyejo.’ ”

⁶ Tawgyew i che, “Dzüwe, he magüdraw mukow ye ha cheima?

⁷ Nameje: haña Tawgyew i í nüna basü ladaw ná mamutchoaijoma, dju ñegi-ñetow í küêüñe êyowma; seyo i ná üêaluw vejoma?

⁸ No djo chengkoime, i mekutcho ná mutchoi-jome; sé nūna ūsaw kakūlyahuñe, i he druguw-drulyiw í umso vefijosoma?”

Dju güdrawñe chejowa?

⁹ Seyo Jisu i shürhaw na dju nudzo í güdrawñe veksüw veima, sünda utro na mauw daima ná ana zegaw che:

¹⁰ “Nūna ksü ñegru ge kügüw ji; a ye Farisi seyo a ye patso-law nūna.

¹¹ Farisi i gudzulyiñe üdrü-ulu ge ana kügü, ‘He Tawgyewwa no ba ulu yo uw cheime, no utro nūna na dambo tsaksu-laksuw, mütü chiğa daw, seyo mim ġubuw, seyo he patso-law na dambo nūna mowme.’

¹² No sopta ye ülye ksü tsaw-tuw matsaw ġyowme, seyo no bo-luko dalaw gow üchea je djüwme.”

¹³ “Séso patso-law nūna ye üğa gow gudzuñe, ñedzü ge je iñi maholyi dá i ülüjetchü ge güñe che, ‘He Tawgyewwa, he lalobraw no nülvoijo dawew!’

¹⁴ No djo cheime, i ufum yo mowme; séso he nūna ye güdrañe ñe ge kajeme; hado chemeje dju nudzo í dyewñe veima, i imisa lyajome; seyo dju nudzo í imisañe veima, i dyew lyajome.”

Tawgyew í ġadzü anagasa na vedumbo

¹⁵ Sünda nūna na na sa naje ichi ge lañe jikeñe nagzü Jisu udru ge vefijoñe; sünda shürhaw na hohuñe ná goha.

¹⁶ Jisu i angasa ná ichi ge balañe che, “An-gasa ná nochi ge jigyejo dawew, seyo ná djugohajo dawew: hado chemeje Tawgyew í ġadzü he nambo nabome.

17 No djo umso truime, dju Tawgyew í ĝadzü í angasa na dambo malama, ná keje süge majimy-ofijome.”

Nugo nüna a Jisu í ñu dzü

18 Djudamje dümbraw a ye í dzü, “He uw übrowa, no shüwa-shüw shüjo ye küna dameje ujowa?”

19 Jisu í í che, “Ba nó hado uw chewwa? Djuje uw mowme, nüna a akasa uwbame, se ye Tawgyewme.

20 Ba shotuko-kunu í bo danghušo: ‘Mim dju ĝubuwe, djushiwe, djutsakšuwe, mülaw-mütraw djutruwe, nudzo awuñe nudzo añ naksü í chew dzüwe.’”

21 I che, “Nobo he ná vyew angasa ulvyu ladañe vewbame.”

22 He í dzüwe, “Jisu i ná che, bachi ge yaje ñu a ñilumme, bachi vyew ha duma ná draatsülyeñe sapse ná hatsüwe; sünda bá ñedzü ge lukó pajome, sünda kakuñe nofum kasajo dawé.”

23 He í dzühulyeñe i šüpo duhu da, hado chemeje i šüpo nugo.

24 Jisu i í holyeñe che, “Bo-luko duw na Tawgyew ichi ĝadzü ge šüpo atağa yo kamyofijobame.

25 Tawgyew i ĝadzü ge bo-luko duw na kamyoyo í bo ut í sütrü üšu yo kamyow je ufojomabe.”

26 Sünda dzühu daw na che, “Nameje djú basüafijowa?”

27 I che, “Haye nüna yo madafima, se ye Tawgyew i dafijome.”

28 Patras i che, “Howe, nobó ñe-vi je tralyeñe bafum kasawme.”

²⁹ I í che, “No bá umso truime, ana djuje ñime, dju Tawgyew í ġadzü ubo, ñe, mim-kiġi, ñu, awu-añ seyo saw-sam ná trahuw.

³⁰ Sünda sa yo sa a na haje aña djupawe; seyo dzüwñe druguw-drulyiw ge shüw lüshüw pajo-dawe.”

Dzüñe üshü lyajo go ñihow

³¹ Sünda Jisu na ġüyo ksü shürhaw ná üdra lañe ná che, “Ñi Yarusalem ge jingkoime, sünda küña ñu nuna üsaw ibo ñihow truw na ġi vedama, se na vyow datsüjome.

³² Hado chemeje i tuġuda-ġuvodzü nagzü ge djüjome, sünda na í tchüġoñe-hoġojome, sünda zehu je müdrüdzajome.

³³ Sünda na í güjome, sünda shijome, sünda i ñegi dzü ye üshükülyetchojome.”

³⁴ Sünda na he ñu namko ye haje madzüsü sünda he ñu na namko ye müšütsü, sünda ha trudama se ye na madzüla.

Iñi ġew í iñi

³⁵ I Jeriko ñetrü ütrü üñisa jikulai sa a, iñi ġew a ye üdza ge tsatuġuñe ġyoda.

³⁶ Sünda i upu na dügrü jiw dzühuñe dzüpüñe, “Ayo a ha dangkoiya?”

³⁷ Na í tru, “Jisu i Nasri ge jingkoime.”

³⁸ Sündawñe i ġuksuñe che, “He Jisu, Dawud i üsaw, no nülvojjo dawe.”

³⁹ Dju vro-vro jeima, na í madañda ġyo cheñe ze, sé i umsow šogzukülye, “He Dawud üsawa, no nülvojjo dawe.”

⁴⁰ Sündawñe Jisu i gudzulyiñe í ichi ge lañe jikuwe che, sünda i iñisa jikuwñe, i í dzü,

⁴¹ Bá ha tsüda, “No babo daijome?” I che, “He Tawgyewa, nó hofidügyewe.”

⁴² Jisu i í che, “Hojodabe, ba veksüw ye ba dagy-ojemme.”

⁴³ Sünda í djeañe hohu; sünda Tawgyew í troñe, ufum kase, sünda vyow nüna na hohuñe, Tawgyew íbo trotsü.

19

Jisu Jakariya ichi ñe ge

¹ Jisu Jeriko ge jimyolye jimkoi sese.

² Süge Jakkai cheñe nüna duvo, i patso-law go mukyew sünda nügo je nügo.

³ I Jisu í hoñoñ vyew i djuma cheñe? Sešo up-ungda sese mahofi. Hado cheme i üchesada.

⁴ Sese i í hojoñe vye uvro ge gyo djeñe lufuje shoñ udru a ye lyilyig, hado cheme Jisu i se gabo kajoda.

⁵ Sese Jisu se a jikuñe, udru ge hotrolyiñe í che, “He Jakkai, kutcho lyiga; hado cheme yow no bá ñe ge gyojo dume”.

⁶ I kutcho yo lyigalye lüshüldzulalye í ichi ñe ge la kake.

⁷ He í hohulyebi nüna na zeği, “I bó se lalo nüna ichi ñe ge jijebe.”

⁸ Jakkai i gudzuñe Tawgyew í che, “He Tawgyewwa, No nó bo-luko üchea ye ñiw ná djüjome, seyo üchea ye sena djüjome djuchi go no lağamüñeda ma se na no psügingua fow djüpyojome.”

⁹ Sese Jisu i í che, “Yow he ñe a muchoahuw jiku-dame, sündada he i je Abraham ichi sawbamme.

10 Hado cheme nūna üsaw ye moadaw ná tchüw seyo ná basüaijo kakuwme.”

Bosün uvyu gü

11 Sese i he ñu ná dzümkoï sese, i zeğaw a ze, sündada chedawa i Yarusalem ütrüañ a duda, seyo i vyesüw je vyesüw, se Tawgyew ichi ġadzübraw ye hesahe kakudalaibiñe.

12 Sünda: I che, “Nūna nugo a ye ge ñetrü üğa ge ka sügo nugo pafiñe kakutchofijo.

13 Seyo i í kulo naġi yo gü ye balalye ná bosün uvyu gü djü, seyo ná che, ‘No kakuw kuw bumdzu davojo dawe.’

14 Sešo í ñetrü ge ġyodaw na í mahoğon daw, seyo ífum ge muko kiñe ñu che ki, se i ye no matsüme, se i ñidru ge ñubyu dañjo.”

15 “I ñubyu lyibiñe kakutchow sese, i ana a da, ichi se kulo gü ye dju í bosün uvyu gü djülyedama, se na itrü a balaku sünda danghujoñe vyeñe se na se i yo küña ha ha dashaladama.

16 Sese uvromashü yo a ye jiku che, He übrawwa bachi djüdaw bosün uvyu gü yo dañe gü müñew damñeladame.

17 I í che, ‘He kulo ülüksüfowwa, bá šüvzüw me, ba šüpyo mesame sese ba umsowda kakülyeda, ayo ba ñetrü gü yo übraw dabeí.’

18 Sefum yo a ye jikuñe che, ‘He übrawwa, hošoa, bachi bosün yo uvyu pom dashamüñewme.’

19 I í chetcho, ‘Ba je ñetrü pom yo übraw dabeí.’

20 Sefum ye a ye jikuñe chetcho, ‘He übrawwa, hošoa, bá bosün ye he duw ye, he í no nó gye güpaw üdza toi pyogoñe vyedaw he.

21 Hado chemeje no bá ġedabi.’

22 I í che, ‘Mauw kuloa, no bamdzu yo bá no trudañe chei he me.’ Ba nó danghuwbi nüna mügzütchüwñe, ha ye no ma vyema se í dzula, seyo se no ma zuw, se í djoahuwme;

23 Ba nochi bo ye bo dashabraw ná hado mad-jüña, se í no kakuñe sashadaw ye lakeêjibí?

24 Seyo dju nüna na üñisa gudzudama, se na í che, ‘Se bosün ye ichigo latchojodawe, seyo djuchi ge bosün gü duma se í djüpyojo dawé.’

25 Na í che, ‘He übrawwa, ichi bosün gü bó duño.’

26 ‘No bá chemkoime, se djuchi ge duma, í seyo djüpyojoluwe; seyo djuchi ñima ichi go se í je lajodawe se ichi ha dusama.

27 Seño nochi se fugulu ná se vyeñidaw na se no nadru ge ñubyu dame, se na age lakuñe noñisa a shiwe.’”

Jerusalem ge fojelübzüw kakuw

28 Jisu i he ñu na chelye i Yarusalem ge navro-navro ka.

29 Seyo se i Jetun üñiñi yo pu sa a Betfage ñe Betniyah üñisa ge jikuwñe, sese i í shürhaw naêi yo ksü ye ana cheñe ki,

30 “Üñisa yo ñetrü ge jijo dawé, seyo süge jikubyo jikuñoñe giêe ichi üsa a udru ge djusa je magy-oluw, pyogo vyedaw bá pajome, se í tashalye lakuwe.

31 Seyo djudamje bá dzülaimeje, hado tashamkoiya chemeje, se a ana chejodase, se Tawgyew i he í tsüdame”

32 Se kidaw ná, na jikuñe i ná ha chesedama, süna pabadabi.

33 Se na giêe üsa ye tashamkoi se, ichi übraw ye ná dzü, “He üsasa ye hado tashamkoiya?”

³⁴ Na che, “Tawgyew í he í tsüdame.”

³⁵ Na í Jisu ichi ge la kaku seyo nudzoê gye ye tapualye se udru a ñeilye Jisu í giêge udru ge gyodûgye.

³⁶ Sûnda na kamkoi sese, na nudzoê polu ye êabo toi ñevoñe ji.

³⁷ Seyo ûñisa kakulye se i Jetun pu i êo ge kaku, sese shûrhaw na vyew upua na vyemoñe chiêa dadaw ibó i hohuda na, lûshûldzuañe gow yo ñu zeñe Tawgyew ibo trokülye:

³⁸ Sûvzûwme se ñubyu ye, dju Tawgyew iñiñi yo jikuma!

Sorgo ge êûdzûw seyo ñedzû ge lûshûwme!

³⁹ Sese upu na yo sûña Farisi na í chengkoibi, “He Danghubrawwa, bá shûrhaw ná zea.”

⁴⁰ I ná chetcho, “No djomko a chemkoime, he i maziw êyome, kunu na êogzukülyejome”.

Jerusalem íbo ksew

⁴¹ Se Jisu ûñisa kakuñe se ñetrü í hulye ubo kse.

⁴² Sûndalye che, “Ha ye ujowa, he ba; am, ba bába, he ñeto ai lûshûjo ñu danghudama, séso se i yabó bañisa yo muşuadabi.

⁴³ Hado cheme se ñeto ye badru ge kakujo se bá vyeñiw na sulyeñtchü pyogoñe bá djetuêujome, seyo djetuêulye bá ñujome.

⁴⁴ Seyo bá seyo badra ayo a ná bachi angasa ná, nogûdzû nadra gülyajome, seyo badru ge kunu yo je kunu matrûjome; hado cheme ba sûna dajo ye kye badru ge nûlvow vyeñe hojema sei madan-ghuje”.

Ñegru í dagudrahuw

⁴⁵ Sese Jisu i ñegru ge drüñe gýodaw ná nopsü ge lahuatsü.

⁴⁶ Seyo ná che, “Gídame; ‘Nochi ñe ye kügüw ñejome,’ séšo djo he í tsağa-lağaw nachi ñe da joadamme.”

⁴⁷ Seyo i muhu-muhu ñegru ge shi-ñu truñgudru: seyo se müga sawlyiw na seyo shizew-ñu zew na vyew djekegiñe í shijoñe tumuñgudru.

⁴⁸ Séšo haje gabo matchüla; he í küna dañe dajojema, hado chemeje vyew na dru-lu djübyo djügoñe ichi ñu dzüñgudru.

20

Yahudi na Jisu í ñu dzüw

¹ Ahua ye ana a da, jisu i sese ñegru ge shi-ñu trumkoi sese, mügaw dew seyo shi zew-ñu zew kew nadra jikuñe sese gudzu.

² Seyo chemkoibi, “Ba ñí truwe, ba he chiğa ná dju dadügyedañe dawdo dañe, seyo se i djua, dju bá he i dawene dügyedaye?”

³ I ná trutcho, “No je djó ñu a dzüjome; nó trujo dawé

⁴ Yohañ ichi Baptisma djüw ye Soğgo go ma mo nuna yo ma?”

⁵ Südawñe nağütchü zeği, “Se ñí chebammeje, ‘Soğgo gobabi,’ süñchewñe i chetchojo; ‘Sünameje djo idru ge hado umso mavyeña?”

⁶ Seyo ñi chetchojobi, ‘Nuna yo me chetchobamme,’ se vyew na ñidru ge kunu trüjobi, hado cheme i umsow go danghudabi, Yohañ i ñihow cheñe.”

⁷ Dañdañlye na tru, “Ñi madanghume, se i djuchi go jema.”

⁸ Seyo Jisu i ná che, “Nameje no je djo matrujome no he chi ná dju dügyeñe dadama.”

Bolu mau vi daw nüna i lağüşhi truw

⁹ Sese i se nüna ná he ana zeğaw go tru, “Nüna a ye anggur zugua, sündalye vi daw ná howeñe bo ve seyo şüpo uwalaw kuw utro ñetrü ge jitrükralye.

¹⁰ Bomdrü sese i vi daw nachi ge kulo a ki, se vi yo kakülyedaw anggur üje ibó je djüweñe cheñe k, sé vi daw na í gümoamdo gümoañe ufo kadügye.

¹¹ Sündawñe i kulo a ye kitcho, sé na se í je gütcholyebi zeaşe zeameñe ügzü ufo kikutcho.

¹² Sündatchowñe i ülye dzü kitcho, seyo na se í je dzütchüzew gimoañe lahuag.

¹³ Sündawñe se anggur go vi übraw ye che, ‘No há dajobabya? No nó saw í kijobaba, asha na í chew dzüw dujojeşoma.’

¹⁴ Sese vi daw na i hohulyebi nağütchü poği, ‘He i bó üsaw ye ba; age djebya, ñi í shibow, sündañe he na ñichi lyajobi.’

¹⁵ Seyo na í se anggur vi yo lahuañe shiag: sündada vi übraw i nadra ha dajobabya?”

¹⁶ “Ikakuñe se anggur vi daw nüna ná damütrajo, seyo vi ye utro ná djüjo.” He í dzühulye na che, “Tawgyewwa ana djuda.”

¹⁷ I nachi ge holye che, “Se he ye ha ģida: ‘Ha kunu ye ñe dasüw na ha madağiwñe süñeadama, Se i ukutru go dakrükye se i lyada.’

¹⁸ “Djudamje se kunu ge gaahima se i ganüajobamme, seyo djudru ge i gahima, se í ģünü-ğüğajobamme.”

Shi-ñu zekyew nañe Mügaw sawlyiw na lütsa

¹⁹ Seşügudo ye Shi-ñu zew nañe seyo Mügaw dew na í külyijoñe vye, hado cheme danghula dabi, i nabó magow ñu zeğaw yo tru, sešo í ná büğedañe vye.

²⁰ Seyo na í hokrübabiñe seyo ichi ge hotumuw ki, se hadowo cheme i alyamo alya ye shi-ñu trutroameje sese ñustu kigojoñe, se í nugo ichi ge trutroadame che djüfijoñe.

²¹ Na í ana dzü, “He dadrüwwa, ba mülaw truiñe ñi danghudame, Seyo dadrüw je darüi, Seyo djubó go goñeje mache; Semome Tawgyew ichi ġabo ye umsow trufijo.

²² Hawa ñí Kesar í patso djümeje ujoma, mo mowma?”

²³ I ná budzu yo dzüi ye dzüsülye che,

²⁴ “Bosüñ a nó shejo dawé. He a djuchi ġiġe düdama seyo dju ñiñ duma?” Na che, “Kesar ichi.”

²⁵ I ná chetcho, “Se Kesar ichimeje í djüwe, seyo Tawgyewchimeje í djüwe.”

²⁶ I nüna ñisa a se ñu ye madzüsüla, semome ichi ñu hutrodaw se i yo mavyenghuatsü.

Güdrakosküwñe gzü

²⁷ Sündatcholye Saduki i chew ye, nüna dzüw na kenghua je maüşhujome, naġi yo nüna üchea na ichi ge jikuñe dzü.

²⁸ “He dadrüwwa, Musa i ñibó ana ġidawa, ‘Se djuchi damje üyalyo a ichi ufum ye saw-sam malaluye dzütrükralyemeje se üñuw ye se mim üyañedra i gzü datchowe, seyo üyalyo íbó agü mulo sakülyewe.’

²⁹ Sünda ye alyoñuw mro duw, üyalyo nugowfow ye agü je masakülyelubi ye dzütrükralye.

³⁰ Sefum yo ye je,

³¹ Seyo seladzü kiêiw ye je se mimdra í gzü daladabi. Se ana dadañe namro mamro agü masakülye dzümdzoaha.

³² Se nafum se mim ye je dzüase.

³³ Se a na üshükülyemeje se mim ye djufum ly-ijowa, hado chemeje i na mro mamro üdra gzü datsüwdabi.”

³⁴ Jisu i ná che, “He ñefo go shüdaw agü na gzü daibi,

³⁵ Se dju nüna damje ana lyifikülyemeje, sé ñeto go dzüdaw nüna na üshükülyetchojo lyifime, namko ai gzü madafijo.

³⁶ Se i dzü je madzüjo; hado cheme i sorgomuko vyedujo, seyo güdrakošksüw yo agü üshükülyemeje Tawgyew ichi je agü lyijo.

³⁷ Sešo he ñu ye dzüdaw na je üshütchoi, Musa je shoñ ge süna folakülyeda, i Tawgyew í ‘Abraham üsa, seyo Isahak üsa, seyo Yakub üsa ana chelyew.

³⁸ Tawgyew ye dzüw nachi mow séšo üshü nachi Tawgyew: hado chemeje ubo yo vyew na üshütsü.’ ”

³⁹ Sese na se í dzühulye Shi-ñu zekew küña duma na che, “He dadrüwwa ba uw chejejeba.”

⁴⁰ Seyo bó na í ha madzülofibi.

Jisu Dawud üsawma mo Dawud ichi Tawgyew ma?

⁴¹ Sündatcholye Jisu ná dzütcho, “Masi í Dawud üsaw cheñe kúndañe cheña?”

⁴² “Dawud i üsaw Masi i kako ge cheda:

‘Tawgyew i nochi Tawgyew í cheda,

Nochi südzüvopsügi ge gyowe,

43 No bá fugulu ná bashitrü ai malakyeêitsülu kuw.’”

44 “Dawud bó í Tawgyew chew; se sünameje i í üsaw kûnda cheña?”

Shi-ñu zekyew nüna zew madzüw ná Jisu í trüdrü

45 Vyew na dzümkoï sese, i í shürhaw ná che.

46 “Shi-ñu zekyew na yo hochiêiwe, dju shedra psüw sheñe kahiw uw vewma, seyo ná bodzaê ge gaga daw, seyo küêüw ñegru ge psüêa dew ge êyojo uw vyejome.

47 Na müjem nachï ge tsaw jiñe seyo bühodañe uwalaw kuw küêüw dawme, he na şüpyo mau ñe ge gajome.”

21

Haje ñiw müjem ichi umsow lapsü djüw

1 Sündatcholye Jisu i íñi yo lapsü dzüw nüna na nudzoê nudzoê lapsü í lapsügyebyo ge trümkoï hohu.

2 Seyo i haje ñiw müjem a ye je i sayo sa a bosüñ ksü trümyoajew hohu.

3 Sese i che, “No djó umsow chejome se i ye he haje ñiw müjem ye fow trümoabajeme.

4 Hado cheme nabó nachï nudzoê nudzoê lapsü yo me trüje, seêo i í shüda yo küña dusama vyew trümdzoajebi.”

Ñefo i mudzoajo go hosüw daw

5 Küña nüna na ñegru ufo go chemkoï ye, se i küña kunu howsa yo seyo gañ yo chibra daïda, se i che,

6 “Süna ñeto je kakujome, sese he na he i ba hohui na, namko ye ha yo ha a kunu udru ge kunu je matrajome.”

⁷ Na í dzütcho, “He dadrüwwa, he na kye dajowa? Seyo he ñu na dajobi sese, ha chi hosüw dujowa?”

⁸ I chetcho, “Chitchügîvowe, dju dzüşeawe, hado chemeje şüpyo nûna na nó ñîñi lañe chejome, no se ibamme; seyo he i damdrü kakudamme: djo se nafum djukasejo dawe.

⁹ Seyo djo psegi-luği daw süna nafo go dzühulaimeje, dju gëjo dawe; hado cheme he na uvromashü davzûjowbamme; sešo se ñeto kutcho mamütrajome.” Süna ñeto je kakujome, sese he na he i ba hohui na, namko ye ha yo ha a kunu udru ge kunu je matrajome, Süna ñeto je kakujome, sese he na he i ba hohui na, namko ye ha yo ha a kunu udru ge kunu je matrajome,

¹⁰ Sündawñe i ná che, “Gübye yo gübyeğütchü seyo ñetrü yo ñetrüğütchü pseğijome.

¹¹ Seyo ñeğüzüw je dew dew dajome, seyo ñetrü ñetrü sapseañe seyo gâñemu kajome, seyo ñedzü ge ñiğeñiw ñu seyo dew dew chi shejome.

¹² Séšo he ñu na madaluye na uvro nó ñîñi yo kigovzûjome, seyo maw-uw ze dajome, seyo ñegru ge djûjome, seyo pache ge şhûjome, seyo ñetrü ge ñetrü ñubyu natrü ge lajikujome.

¹³ Se he na babó ñu truvomdrü kakülyejome.

¹⁴ Sündada nudzoğ nudzoğ drü-lu ge pyogo vyejo dawe, no vrogomdo trufijo se í duhu madadañe.

¹⁵ Hado cheme no bá ana chejo seyo ana budzu djûjome, se bá mau zeñe zeaşe zeame dai na madafijo.

¹⁶ Seyo bachi awu-añ seyo ñuw-ñum seyo ñeşüğ-ñepyeğ, seyo draw na je tsüladügyejobamme; aña kuw dajome, djomkoye şüpo na dzüdügyejome.

17 Seyo no ñiñi yo badra mau dajome.

18 Séšo bakyetrü umu a je matrüafijome.

19 Ba nudzoğ drü-lu ye ġüdzüw yo shütrüñe vyejo dawé.

Jerusalem í mütrüw

20 “Ba kyedamje Yarusalem í rhünokew na yo jġshġiahuw hohume, sese ichi mütrüjo üñisabammeñe danghujo dawé.

21 Sese dju Yahudiya ñetrü ge duma se na pu udru ge djetralyewe, seyo dju Jerusalem ulung ge duma se na djehuaajo dawé; seyo dju ñetrü ge duma se na süge djujijo dawé.

22 Hado che se i dutruġijo ana ñeto kujome, sese ñu ġiñe vyelyedaw na vyew lyitsüjobamme.

23 Se ñeto ge dju agü ñiw seyo agü apu tudügyeima, se nabó tui! Hado cheme se ñeto ge no naġütchü daġijo seyo se a ná šüpyo ñiku-ñisüw lyijo.

24 Na vyetsü ürhü yo süġüajome, seyo vyew ñetrü drü-drü ge mubyo na lakuzeġiatsüjome, seyo utro sama nachi ümdrü vyew makulu kuw, sese Yarusalem í utro sama yo dashiġajome.

Jisu i kakutchojo chitruw daw

25 “Seyo dru seyo hubye seyo lütsü se na ge chi shejome, seyo nomñew ñetrü a je, ñetrü drü-drü go nūna ná chitruw dajome; hado cheme na sütüġülü ichi hu rhaw yo lamo ġetsüjome.

26 Seyo ġew yo druguw-drulyiw a trüw kakujo se í hohuñe nūna üshüjoñe je mavvejome, hado cheme ñedzü go gokew ye je ġüdü-ġüdüjome.

27 Sese na nūna üsa í lüshüw-lübaw mumudrü ge gow kalai hohujome.

²⁸ He ñu ye trumkoi sese, ükye ye gudow dañe udru ge hotrojo dase; hado cheme bá solutoajo üñisame.”

Tawgyew ichi ñetrü ñubyu üñisabamme

²⁹ I ná zeğaw je a tru, “Lufuje üyaññe vyew shoñ na howe.

³⁰ Ichi übatra kakülyebyo kalyeğyowñe, se í ba hohulyeñe balvyo danghulaibi ñeshü kalaibiñe.

³¹ Süñambó vyeduw ba he ñu na kye hohuima, sese danhulababise Tawgyew i ñetrüğüfo kakujo üñisababiñe.

³² No bá umsow trujome, he ġhei ñu na madalu kuw he ñefo ayo shüdo nüna na kyeje lüshüw mapajome.

³³ Ñedzüñe No naksü kaltruğidamje, sešo nochi ñu kye je makatrujome.”

Shüwa Dashütrüvojo dawwe

³⁴ “Sündada ufu je ksü üñi je ksü da ġyowe, ya ba badrü balu ye he druguw drulyiw ayo dashüw ge daśea kiśeañe, shüjo djojo ge vyeśeañe da ġyomkoñbai ye jia, ñe se badru ge kyegüdü-ñiği kakugme.

³⁵ Hado chemeje i he añawa nomñew ñetrü ayo ġyodo nachi ge ana vyeduw dañe kakujobabi.

³⁶ Sündada chiğiñgudrujo dawwe seyo küğüñgudrujo dawwe, he ana a kyegüdü-ñiği kakudamje ha madaw ġaksüfisejoñe, seyo nüna üsaw i vro a gudzufiwjo lyijo dawwe.”

³⁷ Seyo se ñeto ge ñegru ge shi-ñu tru süna dawse; Seyo ñegi ge i nopsü ge jihuañe Jetun pudru ge ġyoñgudru.

³⁸ Seyo na je šüzüw ye tralye ichi ge jikuñe shi-ñu truw ye dzüjoñe ñegru ge jikuñgudru.

22

Jisu i shijo go küla

¹ Odje oğüme se i na ofo rhano chew, üñisa dabi.

² Seyo mügaw dew nañe shi-ñu zew naksü shüwa í kúndañe shijoma se í kadang hotumu, sé na nuna nayo ġew.

Yahuda Iskuriya ichi umsokulyu

³ Seyo mütü Yahuda ge kamyoa, djú Iskariyoti chew sünda í shürhaw ülgü ġü yo ksü namko ge i je duw.

⁴ I jiñe Mügaw dew ñe kulow kyew hotumuw nadra chitru, Tawgyew í kúnda lügyelajoma sena.

⁵ Na lüshülag, Seyo í na bo djüjome cheñe müdaa.

⁶ I je embi che, sündalye hotuma-hotumuhi, se í usso ge ñu majodügyew lügyeladügyejoñe.

Fasa í dashütrüw

⁷ Sese odje oğüme daw ñeto kakudabi, sese Fasa ge fugulu üsa ye che küğüw kijobabi.

⁸ Sünda Jisu i Patrasñe Yohañ naksü i ana cheñe ki, “Djeñe ñibó Fasa ge tsajo-tujo dashütrüwowe.”

⁹ I í dzütcho, “Ba nó hange dashütrüwoweñe tsüda?”

¹⁰ I ná che, “Howe, ñetrü ge kaakubyo-kakuğyowñe nuna a ye hu guw kolo lodow tüvajome, dju ñe ge i jihima; ba ifum jisajo dawew,

¹¹ Seyo sé ñe go übraw í chewe, ‘Dadrüwwa bá chemkoime; se tumóna ná ñe hagewa sa a no nó shürhaw nadra Fasa tsajo ye?’

12 Bá i howsa yo dagüdravodaw ügûñ dew a shejome; süge dashütrüvowe.”

13 I jikubanda, i küna chedama sünabyo-sünağyo duvobi, sünda i Fasa í dashütrüvo.

Tawgyewchi mülüñ drüpsü

14 Damdrü kuwñe, Jisuñe i shürhaw na nadra tsajobiñe gyo.

15 Sündalye i ná che, “No nolu ge süpyo ana vyewme, duhu makakulu kuw djodra ye ülya ana üša gyoñe ava tsajoñe vyewme.

16 Hado cheme no djó chemkoime, he i Tawgyew ichi nogo ge vyew makulu kuw no se í keje mat-sajome.”

17 Sese i bekasa lañe dru-lu yo šüvzüw gañe che, “He í lalyeñe djoğütchü ge habrağijo dawewe.

18 Hado cheme je no djó chemkoime, Tawgyew ichi gädzü madalu kuw no ayo dalalye keje he shejehu matujome.”

19 Sündatcholye i odje la, seyo üdrü-ulu yo kügüñe takuğia, seyo ná ana cheñe djü, “He i nó usso me, ha yé djobo djüwma: nó vyehuñe he ana dajo dase.”

20 He ana dambo i tsaw tsafialye bekasa je ana cheñe la, “He i nochi sé šü yeme he i djobó fuadaw yeme ñu ükünüme.

21 Sé hojo dawewe, nó kigoladügyejo ichi ügzü ye nodra a dume.

22 Hado chemeje nüna üsaw ye bó ibo küna daweweñe dadama, sünambó dajobabi, séšo tui se nüna idru ge, djubó sa a í kigoladügyejoma!”

23 Sündawñe na nağütchü dzüği-hoğingkoibi, “Ñimko a djuwa, he chiğa dajo ye?”

Djú dewñe vyefijowa?

²⁴ Namko a ana ñu che zeği; ñimko a dju dew vyefijowa?

²⁵ I ná che, “Utro sama nago nugo na nadru ge shotuko joi; seyo dju nadru ge shotuko jofijo daima, se ná povow nūna chewme.

²⁶ Séšo ba ana djulyiwe; mowme djomko a dju nugow dama, se i angasa vyeduw seyo dju ye ñubyu ma se i kulo vyeduw lyiwe.”

²⁷ Hado cheme dyew ye djuwa; se i buğo ge ġyodaw yeme, semome se chiğa damkoi yema? Hawa se i je mowma se tsawdra ġyodaw ye? Séšo no djodra a kulo vyeduw bame.

²⁸ “Sešo djo se na me, dju nodra ñiku-ñisūw ge je nodra duwsaw na me;

²⁹ Seyo sūnambo vyeduw nochi Awu i nóbó ñetrü ükün a davyedama, sūnambo no je djobó davyei-jome.

³⁰ Se i ye hadowo cheme djo nodra nó buğotrü ge tsawe-tuweñe; se psüğa a ġyoñe Israyel nachi go ġübye ġüyoksü í zegüdralawe.

Patras i hujonoğyow ñihohuw

³¹ “Simon, oi Simon, djó mütü ye prüdame pu í dambo ġüjoñe.

³² Séšo no djóbó küğüwme, djódrü-djolu go um-sowñe vyedaw ye kyeje mañoajo seyo djo kakume djó nudzoğ alyo-ñuw na je ġüdükewe.”

³³ I í che, “He Tawgyewwa, no badra pache ge damje kasejo semome dzüjoje dzüfijobame.”

³⁴ I che, “Oi Patras no bá chemkoime, yow jo külyiweñe sese ba nó ülye dzü mahosūw chejome.”

Duhu gijo ye dashütrüvowe

³⁵ Seyo i í che, “Bá no dzulngasa seyo kapüga seyo shita je ñiw ufobüla kimkoi ge ba hama a mapu mavyaw dadama?” I chetcho, “Ha chi go mowme.”

³⁶ I í che, “Séso djuchige dzulngasa duma se na se i lawe, seyo sünambo kapüga í je, seyo djuchi ge kyeği ñima ná nachi gye na damje drütülüalye lawe.”

³⁷ Hado cheme no djó chemkoime, he gido ye, ‘Se i truw nüna ge ngüjobamme,’ se i nódrü ge dajoye krükrüwbamme; hado chemeje nogru ge küna dajoñe dadama se na datsüjobamme.”

³⁸ Na che, “He Tawgyewwa, howe, he a kyeği ksü duwa.” I ná chetcho, “Şüpyo dume.”

Jetun pudru ge Jisu i kügüw

³⁹ Sese na ñepsü ge jihuañe na dadaw basha yo na ge Jetun pudru ge jitsü, seyo shürhaw na nafum jisa.

⁴⁰ Süge jikuñe i ná che, “Kügüjo dawwe, djo zegaw ge magajoñe.”

⁴¹ Seyo i na yo utroga kunusa a josajombuaña ge jiñe, seyo üshipyu dugoñe kügümyomkoibi.

⁴² “He Awua ba tsübameje he bekasa ye notrü yo latrülyewe, sedamje nó husü yo mow bá husü yé dadzowe.”

⁴³ Sese soğgo go sorgomuko a í sa yo sa a hohu dju í zego dawma.

⁴⁴ Seyo babiye i şüpyo vyemülüaño vyemoaño kügükülyejebi; seyo ichi úfu ye no ge şü fuw vye-duw tra tra dzuamkoi.

⁴⁵ Sese i kügüfialye gudzulye ichi shürhaw nachi ge kakuñe hoholye vyew na drumutsüdaw hoñe duhu da.

46 Sündalye i ná che, “Hado drumuiya? Pülyibya, kügübya, na zeğow ge magajoñe.”

Jisu í tsülaw

47 Jisu i süna chemkoi sese, howe upu a djelai ná, seyo se gü yo ksü namko a ye dju ñiñi ye Yahuda chewma i uvro uvro djekelaibi, i Jisutrü ge djeku, í bubu dajoñe.

48 Sé Jisu í che, “Oi Yahuda, hawa ba bubu dañe nuna üsaw í kigoladügyejoma?”

49 Idra yo na idra ha dajoma í hohuwñe, sünda che, “He Tawgyewwa, ñi kegi dzofijoma?”

50 Seyo namko ayo a ye mугaw dew ichi kulo nadru ge kegi yo dzohiñe ufu fuvo go dzoga.

51 Sé Jisu i che, “Sayo sa a damudoabe.” Seyo sa a ichi ufu ye kiñe dagyoi.

52 Sese Jisu i mугaw dafow na seyo ñegru ge hokrüvow go mükyefow na seyo kew se na idru ge lyikülyedaw ná che, “Hawa djo nó ñiguduñe danguñe kegi ñe shalbo ñe lañe jíkuma?”

53 No djodra ñegru ge muhu-muhu djodra duw sa je sesüge djo nó gzü a je maki; sé hesahe djochi ümdrübamme, vatağüsagiahuw yo vatağüsagiahuwme.”

Patras ichi hujonoğyow

54 Sündatcholye í na tsülalye la kakye, seyo mугaw dafow saw-lyiw ichi ñe ge lañe kaku seyo se Patras i üga-üga djega djegañe ifum-ifum djese.

55 Seyo na nopsü ge mi pyeñe tchü üša gyomkoi sese Patras je namko a gyoa.

⁵⁶ Seyo se a kulom a ye í mi müsaw ge gýokülyedaw hohulye seyo í usu yo hopafi hopañe chemkoibi “He i je üdra yo baba.”

⁵⁷ Séšo i ana che hujonoḡyoa, “O mimya, no í madanghuwe.”

⁵⁸ Me uwalatchowñe utro a ye hotcholye chetcho, “Ba je nadra yo baba se.” Patras i che, “Oi nūna, no mowhoje.”

⁵⁹ Me uwalatchowñe nūna a ye dügago hoñe chengkotchoibi, “He i je nadrayobabiša; umsow cheme he i Galilibabi.”

⁶⁰ Sé Patras i che, “Oi nūna, no madanghuwa ba cheijema.” I süna chemkoi sese jo je külyijebi.

⁶¹ Sündawñe Tawgyew i tcholtruḡiañe Patraschi ge ho, sündawñe Patras i Tawgyew i ñu chedo ye vyehu i ha chedama, “Yow jo makülyilu uvro ge ba nó ülye dzü kuw madanghuw cheñe hujonoḡyoajome.”

⁶² Seyo i ñepsü ge kahualye šüpyo ku ku kuw kse.

Jisu i mülakulyuw

⁶³ Dju nūna ye Jisu í kigo dama, na í mülakulyuñe gümyomkoibi;

⁶⁴ Seyo ichi iñi ye pyelyeñe í dzü, “Ñiholye trubya bá dju güima.”

⁶⁵ Seyo ana šüpyo nomñew zeaše-zeameñe í mawuw ze.

Kyew nañe seyo melye dew gzu

⁶⁶ Ñetoahuwñe naḡi yo kyew seyo müga dew shi-ñu zekyew-kikyew se na vyew keḡitsü, sündalye í na melye dew gudo ge lakuñe chi dzü,

⁶⁷ “Sünameje ba Masimeje, ñí trujo dawel!” I ná che, “No djó trumsome djo nó umsow mavyejome.

⁶⁸ Seyo dzüdamje, matrufijome.

⁶⁹ Sešo ayo dalalye nüna üsa no sawlyiw Tawgyew ichi upo südzügo gow dañe g̃yongudrujobi.”

⁷⁰ Sünchewñe vyew na chetsü, “Sünameje ba Tawgyew üsawma?” I ná che, “Djo cheñsoiwa, hado chemeje nobabi.”

⁷¹ Sese na che, “Yabó no truvoirjoje ha matsübi; hado cheme no bó nobyo no dzühuladabi.”

23

Pilatus i Jisu í ñu dzüw

¹ Sese vyew kegidaw nüna na gudzutsüñe Jisu í Pilatus ichi ge la jiku.

² Sündalye na ana cheñe ídruge külü jo, “Ñí i nüna ná zeğow seyo Kesar í patso i madadügyew seyo nudzo í Masi seyo nugomeñe chew dzühudame.”

³ Pilatus i í dzü, “Ba hawa Yahudi nago nugoma?” I í tru, “Sebó ba cheñsoiwa.”

⁴ Sünchewñe Pilatus i mügaw saw-lyiw nañe se nüna ná che, “No he nüna idru ge ha je külü mahohume.”

⁵ Séšo nabó sünchewñe seyoje şüpyo mügzüw yo chemkoibi, “He i Galili yo dalalye age kuw Yahudiya ná vyew shi-ñu tru truñe truğolatsüdame.”

⁶ Süna dzühulye Pilatus i dzü, “Hawa he nüna ye Galili ñetrü goma?”

⁷ Seyo he í danghula i Herodes ichi shotuko ulungo nüna dabi, í Herodes itrü ge kitcho, had-owo cheme sé ñeto ge i je Yarusalem ge duvo.

Jisu í Herodes ichi ge kiw

⁸ Herodes Jisu í hohulye šüpyo lüshü, hadowo cheme šüpyo uwalaw gomdo í hoğoñiw vye: se i ye hadowo cheme ifogo dzühuda, seyo ichi chi ashama asha ye sheweñe ve.

⁹ I í šüpyo ha ha ñu dzü, se i í ha je matru.

¹⁰ Seyo se müga saw-lyiwñe shi-ñu zekyew naksü ulung ulung ge í ze.

¹¹ Sese Herodes i ichi nuna nadra ye í zeaşe-zeameñe zekütso zemürhü, seyo iği ğiguw gye ye sheisalye ge Pilatus ichi ge kitülütcho.

¹² Sehu ñeto yo Pilatusñe Herodes naksü üdraw lya. Ana madalu. Sevro ge naksü mahoğiw.

Pilatus i Jisu í shiweñe düm takyoa

¹³ Pilatus i mügaw saw-lyiw í seyo nuna na balañe ná che,

¹⁴ “Djo he nuna í nuna ná zeğoime cheñe nochi ge lakuda, seyo holaşoa, no djó how a í dzü howşobi, se djo ha ñu yo iso ge külü joima, se ñu yobó no hasaje ichige külü mahohu;

¹⁵ Ge Herodes je mowbi, hado cheme i í nochi ge djültrutchodabi: seyo holaşoa, i düm takyolaje shimdojo ana haje mada.

¹⁶ Sündada no í shidzü trabañebi”

¹⁷ Pilatus i rhanomko a nuna a tsüla vyedaw ye kihuajobabiñe lya.

¹⁸ Sündawñe vyew na şogzutsü, “I damtrüabei, seyo ibó Barabba i trajodawe.”

¹⁹ I ñetrü a ye pseği-luğiñe, shiw-law dadaw ubo go pache ge shüñe vew.

²⁰ Seşo Pilatus i Jisu í trajoñe vyeñe nuna ná che hopüñetcho.

21 Sešo nabó šogzuñe che, “Í kuros ge külyiwe, kuros ge!”

22 I ülye dzü kuw ná che, “Hado cheme i ha mau damdoda? Nobó í düm takyoñe shimdojo lalo daw mahohubei! Sündada no í gidüñe trabañebya.”

23 Sešo na šogzu-šogzuñe zetsü, í kuros ge külyimdoweñe, sünda ná šozuw ye foajebi.

24 Ha madanghulye: Pilatus i dügyeaha, na ha cheima sei dzülye daw cheñe.

25 Seyo i se nuna vyesvye-vyemdolalye nuna shido í pache ge shüdaw ye, seyo djú í prüwma í trase; seyo Jisu í na nalu ge ha vyedama süna vyew apyew kuw djüki.

Jisu í kuros ge külyiw

26 Na í lañe kakemkoi sese, Simon cheñe Kureni a ye ñetrü go kanglai sa a, í kigo lalye shokru giñe Jisuchi ge lakuñe ifum ifum la kake.

27 Seyo nuna ye gumtchubabiñe ifum ifum kase: seyo šüpo upu mim na je, dju ibó üldjetchü gü gü kseñe ksekuñiladjew.

28 Jisu i nachi ge tcholtruñialye che, “He Yarusalem ayo sam nawa, nóbo djuksejoda; sešo djo josa seyo djó nudzoñbó ksejoda.

29 Hadowo cheme se ñeto kakujome, seyosa a nuna na chejome, ‘Šüvzüwme se na dju ügübzümma, seyo dju saw-sam masakülyema seyo dju agü apu manuma.’

30 Se ümdrü ge

‘Na pu naje chejome, ñidru ge gaabe,

Seyo noñüfo yo ñi muñuiwe.’

31 “Hado cheme na shoñ djüw nadra ana damkoibi ye, krow nadra küna ha dañjema?”

³² Na seyo nüna ksü ije lalo datruw go idra ye shijoñe la jikye.

³³ Na se Kopri che Noğüfo ye jikuwñe, na sayo sa a í seyo se lalo datrudo ksü ye je, a ye ichi südzü go seyo a ye ichi fuvogo ge süna kuros ge külyiñe vye.

³⁴ Sündawñe Jisu i che, “He Awuwa, ná muchoaiwe, hadowo cheme he na madanghume na ha dangkoima?” Sünda na kako ge ģi veñe i gye í habrağia lastü.

³⁵ Nüna na gudzu-gudzu hoğyo, seyo nugo na je zeaşe-zeameñe ze ģyo, “I utro na ģaksülaw, i Tawgyew ichi Masimeje, seyo ichi dzulawmeje, nudzoğ ģaksülajo dawew.”

³⁶ Rhünokyew naje í trow uhu ye í nuñe zeaşe-zeameñe che.

³⁷ “Senameje ba Yahudi nachi go nugomeje, ba bá nudzoğ í ģaksülalabya!”

³⁸ Seyo idru ge truw a chedalubi; “He i Yahudi na go nugome.”

Shokru ge dru-lu vyegüdolaw lalobraw

³⁹ Ha lalobraw ye shokru ge külyi suntchadama, namko a yo a ye í zebze-zeğeñe che, “Hawa ba Masi moma? Sünameje ba balvyo ģaksüñe seyo ñiksü i je ģaksülal!”

⁴⁰ Süñchewñe utro a ye í zeñe che, “Hawa ba Tawgyew í je mağewbama? Ba je süna pabaibi,

⁴¹ Seyo ñiksü bó shotukobasha yo pangkobabi, hadowe cheme ñibó ñi chiğa ha dadama süna shishü pangkobi; séšo i haje mau chiğa mada.”

⁴² Sese i che, “He Jisua, ba bá ñetrü kakuwñe nó je dju koşoawew.”

⁴³ I í che, “No bá umsow chemkoime yow yo ba nodra sorgo nogo ge dujome.”

Jisu i lutukyohuw

⁴⁴ Seyo muhumdzu yo dalalye me apyew djüdualai kuw ye vyew ñetrü na nukuâatsüdabi,

⁴⁵ Seyo dru müsaw yebó je kañoahibi, seyo ñegru go gyeña bó je ulumko toñe-meñe yo gaâajebi,

⁴⁶ Seyo Jisu i šüpyo gow yo šogzuñe che, “He Awuwwa, no nó ġulo ye bagzü ge trahime.” Seyo i süna chelye ulvyu sese lutukyoaha.

⁴⁷ Ġyokrüw nüna ye sa a ha dadama se na holye i Tawgyew í tro, sündalye che, “He nüna ye ġüdrašobi.”

⁴⁸ Seyo upu na he í hojoñe keġitsüdaw na, he šobošulyw dadaw í holyeñe nalüjetchü ge ġüñe kalütrü.

⁴⁹ Seyo ichi hosüw-holüw küña duma vyew, seyo mim na je dju dju idra Galili go jikusedama vyew, üga ge gudzuñe se na ho ġyo.

Yusuf i Jisu í iyo ġuahuw Arimitiya go nolu ge

⁵⁰ Seyo süge, Yusuf cheñe yo nüna a ye se rhano dew ge du, dju ye uw seyo chi danghuw muhu.

⁵¹ Seyo ichi vyéw seyo ichi chiġa daw yo malüshüw; seyo i Yahudi na ñetrü go Arimitiya ge ġyow seyo Tawgyew ichi nogo ye ġyokrüw nüna.

⁵² I Pilatus ichi ge jiñe Jisu ichi ñimo ye prü,

⁵³ Seyo í lagaalye gyelüdü yo daw gyeña ge vašüñi, seyo nuġu a ye vye, se i ye kunu ge chido süna; seyo süge keje dju je mavyewlu.

⁵⁴ Se i ye dashüwtrüw ñeto, seyo ġyogow rhano damivrojo ümdrü ge.

⁵⁵ Seyo se mim na dju idra Galili go jikusedama, ifum, ifum jiñe se nuğu ye ho seyo uso je ho í daw basha yo da vyedaşomañe.

⁵⁶ Seyo kakultruñe şowsa chi seyo şonuw dashütrü; seyo ğyogow ñeto ge bó i je daw basha yo ğyogo.

24

Jisu í üshükülyew

¹ Sopta uvro ge, sağa-müğa na nuğu ge şowsa şow gañ-miği lañe jiku.

² Sünda na kunu í ğühuadaw hohu.

³ Sünda ulung ge jemyongkoi ge, na Prabu Jisu usso mahohubi.

⁴ I he ñu yo mavenghuañe ğyoñbaiye, muhu ksü ye lütsü-lütsüw gye sheñe ütrü iñisa ge gudzu.

⁵ I ğeñe, sünda nodo ge ukrumro i pelye; sündawñe i í che, “Ba üshü í dzüw namko ye hado tchüwwa.

⁶ I ayo a ñimme, séşo üshükülyedamme. I djo Galili ge ha trudama vehujodawe.

⁷ ‘Umsogo je nüna üsa í lalobraw nagzü ge kigo ladügyejobamme, sünda kuros ge tükegojome, sünda ñegi dzü ye üshükülyetchojome.’ ”

⁸ Sünda i í ñu í vehuag,

⁹ Sünda nuğu go kangkoi ye i se ğüyo a ná, sünda utro naje, he vyow ñu ná truzeĝiatsü.

¹⁰ Dju he ñu í şürhaw ná trudama, se na Mariam Magdalini seyo Yoana, seyo Yakub üyañ Mariyam sünda nadra ye utro mim naje duw.

¹¹ Séşo na ñu trudaw ye ná shipyew truw veduw velada sünda na ná umso mave.

12 Sündawñe Patras i gudzulyiñe nuğu ge gyo dje, sündä gye ufobüla hohubadabi, sündä hadadama, se yo mavenghulyaha, í nudzo ñe ge kaltrutcho.

Imawus ġabo ge shürhâw na how

13 Sehu namko ye nûna ksü ye Imawus cheñe ñetrü ge jinnngkoi, Yarusalem yo kilo mitar mro kuw üğa.

14 Sündä naksü se vyow ñu ná, hadadama se na naksüġütchü chitruñe ji.

15 Sündä naksü se ñu na naksüġütchü ge truġiñe dzüġiñe jingkoi ye, Jisu i iñisa jikuñe naksü üdra jisa.

16 Séšo nañi ye ana veduw mütrüdaw ye í mahosülañi.

17 Jisu i ná dzü, “He ha ñuwa, djoksüġütchü ge truñe jiiye.” I duhu dañe ġudzu.

18 He í dzühulyeñe, namko ye Kilyupas ñetrü go nûna a ye che, “Haña ba Yarusalem go ba akasa tüvaw jiw nûnabamma, dju he ñeto ge hadadama se na se í madanghu.”

19 Í dzü, “Ha ñu ye wa?” Na í che, “Nazret go Jisu ibo dju Tawgyew seyo nûna nabo chiğa dawma sündä shi-ñu truw go ñihow truw.

20 Sündä mügaw kew na seyo ñi dümbraw dakyew na í kigoladügyeñe, shibeñe dügyeaha; sündä kuros ge sümtchadügye.

21 Séšo ñi vyeksüwşo, i Israyel í mutchoaijo che, sündä he ñu na tralye, he soboşulyuw dajew ye ñeġi dzü kujebi.

22 Sündä jimko ye je mim üchea na ñi mavenghuadügyeda, dju sağa-müğa nuğu ge jidama na.

23 Sé usso í mahohuwñe, sorgomuko nadra í üshüdame cheñe ñu truw che djekuda.

24 Sündawñe ñimko yo a ye nuğu ge how ji, sünda mim na küna trudama, süna tchülada; séšo í mahohu.”

25 Sündawñe Jisu i ná che, “O madzühoave dañe ġyodaw nawa, seyo ñihow truw ná ñu ge üdrü-ulu yo umso dzüngahu nawa!

26 Ana dajo mowma, Masi i duhu gilañe nudzo lüshüw ge kalyitralyejo?”

27 Sünda í ná ibo go kako ge ha ġidama se ye Musa ichi yo dalalyeñe vyow ñihow truw nachi ge ġidaw na, i ná danghudügye.

28 Aña sa a na hange jingkoima, se ñetrü jikujebi, sünda í dawyo na ana danghuda, i ayoje uvro ge jijolu cheñe.

29 Sé na í ana cheñe ġokrüdügye, “Ñidra ġyosajodawe; hado chemeje djüdu lyañe aña uwaladabi.” Sünda i ulung ge nadra ġyosaw kamyoa.

30 I nadra ava tsajoñe ġyosangkoi ye, i odje í lañe gağüzü djü, seyo í takuġiañe ná djü.

31 Sündawñe nañi hojukülyeñe í hosülag, sünda na iñi how yo müşü.

32 Na nağütchü ge che, “Ñidrü-ñilvyu ge mi madzoma, i ñi ġabo ge kako ge ġidaw ná truñe jomkooi ge?”

33 I sa yo sa a gudzulyiñe Yarusalem ge katrükralye, sünda i se ġüyo a seyo nadra a yo na üşaka ye keğidaw hohu.

34 Na che, “Tawgyew umsogo je üshükülyetchoda, sünda Simon i hohu.”

³⁵ Sündawñe i ná ġabo ge chitru jidaw na ná tru seyo he je tru, i ná kúndañe odje í takuġiañe tsadama.

Jisu i í nudzo shürhaw nadra

³⁶ Na he ñu í trumkoi ye, Jisu í husü yo namko ye gudzukülye; sünda ná che, “Djo ġüdzüw pawe.”

³⁷ Séso na mavenghuatsüg, seyo ġeatsüg, sündañe na velatsü, ñi mütü hohungkoi.

³⁸ I ná che, “Hado mavenghuatsüña? Sünda djulvyu ge hado mavenutsüña?”

³⁹ No gzü seyo noshi na howe, no sebamme; no kiñe hojodawe; hado chemeje ñeġulo nachi uso üġübye ñijo nochi ge hohumbo.”

⁴⁰ Ana chelyeñe ná i ichi ügzü ishi na she.

⁴¹ Ná lüshüw yo seyo umsojemañe veñe, seyo lümashü ve, sündañe i ná dzü, “Haña djochi ge ava duma?”

⁴² Na í psekrow tchükro üsüla a djü.

⁴³ I lañe na how sa a tsag.

⁴⁴ Sünda i ná che, “He na no ñu name, no djodra ġyosañe truwme, Musa í shotuko ge seyo ñihow truw kuw na seyo kako ge nobo go ġidaw na umso kakülyejome.”

⁴⁵ Sünda i na ükye-ümüñi í güdraw ñu ġidaw dzüsüdügejoñe voiha.

⁴⁶ Sünda ná che, “Ana ġidame Masi duhu gilañe seyo ñegi dzü ye dzüñe üshükülyetchojome,

⁴⁷ Sünda Yarusalem yo dalalyeñe vyow ġübye geg vetrüw seyo lalo daw na iñiñ yo lañe truzeġiatsüjo.

⁴⁸ Djo he ñu na hohusawme.

49 Sündä djuchi trašüğa no awu i dadama, se ná no djo lakülyaijome sündä udru go gow mapamdolu, süña kuw djo he ñetrü ge gyokrüjo dawé.”

Jisu í ñedzü ge katcho

50 Sündä i ná Betniyah kuw ñepse lañe jekülyasa, sündä ügzü i lañe ná gağüzü djü;

51 Sündä ná gağüzü djüşhüñe i na yo utro lya seyo ñedzü ge kalyitralye.

52 Sündä na mraañe í šüpo lüshüw yo Yarusalem ge katrükralye.

53 Sündä ná ñegru mamuduw keğiñe Tawgyew í troñe seyo gağüzüwe.

Aka (Hrusso) Bible

Hruso: Aka (Hrusso) Bible (Portions) for India

copyright © 2024 Bridge Connectivity Solutions Pvt. Ltd.

Language: (Hruso)

Contributor: Bridge Connectivity Solutions Pvt. Ltd.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

6ed36eea-a167-5ded-a2d7-08d8d10b8e3c